

承應三年刊
外科

樞要

卷三四

外科樞要卷之三

腎癰 男婦全用

古吳薛

後學周

南校



00996

腎膀胱經部分也居小腹之後此陰中之陰其道
遠其位僻難大陽多血氣運難及血亦罕到中年
後尤慮此患治者母傷脾胃母損氣血但當固根
本為王若癰硬作痛者形氣虛而邪氣實也用托
裏消毒散王王之微癰微痛者形氣病氣俱虛也用

托裏散補之欲作膿用托裏羌活湯若痛甚用仙
方活命飲太勢既退亦用托裏消毒散若脾虛不
能消散或不潰不斂者六君子加芎歸黃芪若陰
虛不能消散或作渴便淋者六味丸加五味子若
陽虛不能潰或膿清不能斂者用補中益氣湯氣
血俱虛者十全大補湯若腫硬未成膿者用隔蒜
灸活命飲潰後日改餅補中益氣十全大補一湯
若灸後大勢已退餘毒未消頻用葱熨以補其氣
以消其毒爲善

石驗

巡撫陳和峯脾胃不健常服消導之劑左腿股及
腎患腫余曰此脾氣虛而下注非瘡毒也當用補
中益氣倍加白朮彼惑於衆論云白朮能潰膿乃
專以散毒消毒爲主而腫益甚體益倦余用白朮
一味煎飲而消

儒者楊啓元左腎患此數貼涼藥腫徹內股服連
翹消毒散左體皆痛余以爲足三陰虧損用補中
益氣湯以補脾肺用六味丸加五味以補肝腎股

內消而腎間潰又用十全大補湯而瘡口斂

一儒者癰焮痛甚此邪毒壅滯用活命飲隔蒜灸而消後因飲食勞倦癰痛仍作寒熱頭疼此元氣虛而未能復也與補中益氣湯頻用葱熨法兩月而愈

一男子漫腫而色不變脉滑數而無力膿將成矣余用托裏而欲針彼畏針而欲內消誤用攻伐之藥頓加惡寒發熱自汗等症余用十全大補湯數劑腫起色赤仍外針內補而愈

崑崙采輔之，父患此，內潰腫脹發熱，口乾，飲食少，思此脾胃虛弱也。先用六君加芎歸芪，數劑而潰。又用十全大補湯，倍加參芪，五十餘劑而愈。

南濠沈克章，子年二十，脉如屋漏，雀啄，腫硬，色天，膿水清稀，誤服敗毒之藥，余曰：此足三陰虧損，而藥復傷也。余用六君加歸芪附子一錢，一劑腫潰，色赤，又減附子五分，數劑元氣復而瘡愈。

一男子硬痛發熱，此膀胱氣虛而濕熱壅滯，用內托羌活湯一劑，熱痛悉退，後用托裏消毒散而潰。

又用托裏散四十餘劑而斂

平湖袁上舍患痔外敷寒涼內服消毒攻潰於腎
膿水清稀脈洪大而數寒熱作涓余辭不治後果
歿此足三陰虧損之症失滋化源以致真氣益虛
邪氣愈甚矣不死何候

囊癰

謂陰囊患癰

囊癰屬肝腎二經陰虛濕熱下注若小便滯滯者
先分利以泄其毒繼補陰以令其自消若濕熱退
而仍痺痛宜補陰托裏以速其膿膿炊而便穢者

熱毒壅閉也先用托裏消毒散後用針以泄之膿
去卽解若膿去而癰痛不減者熱毒未解也用清
肝養榮湯口乾而小便數者腎經虛熱也六味丸
內熱脯熱者肝經血虛也四物加參朮體倦食少
者脾氣虛熱也補中益氣湯膿水清稀者氣血俱
虛也十全大補湯此症雖大潰而畢丸懸露治得
其法旬日肉漸生而愈若專攻其瘡陰道益虛則
癰者不能潰潰者不能斂少壯者多成痼疾老弱
者多致不起亦有患痔漏久而串及於囊者當兼

治其痔切已寒藥尅伐虧損胃氣

治驗

給事陸貞山癰赤脹痛小便瀉滯寒熱作渴此肝
腎陰虛濕熱下注也當清肝火除濕毒遂用柴胡
炒龍膽吳茱萸炒黃連當歸銀花皂角刺赤芍藥
防風木通甘草節一劑癰痛漸退少加防風木通
川芎茯苓作飲下滋腎丸以補陰其熱癰俱退但
內有一條筋不消此肝經血氣虛損也當滋腎水
用六味丸料去茯苓加五味一劑再用補中益氣

加茯苓_苓作_飲送_滋腎_左筋_頓消_而愈_。

京兆朱_一峯陰囊脹痛彼以爲_疝余診其脉數而滑此囊癰也。因肝腎一經陰虛濕熱所致膿已成矣。服活命飲一劑而潰。更用補陰托裏而斂。

知州王汝道先嘔熱發熱肢體倦怠入_疾則腿足酸軟足心熱至_腿膝_上脉洪數兩尺爲_甚余以足二_陰虛_飲滋_補化_源彼反服_苦寒_降火_之劑後陰囊_癰脹_用治_疝之_藥癰_脹益_甚形_氣愈_虛服_溫補_之劑_癰痛_上攻_小便_不利_兩尺_脉洪_滑按_之虛_甚

余曰此囊癰也。因氣血虛而不能潰。先用補中益
氣湯。加山藥、山茱萸、車前子、柴胡、山梔。一劑腫脹
頓消。隨用六味丸料。加車前、牛膝、柴胡、山梔。一劑
小便漸通。乃用活命飲。與前一藥消息兼用。至二十
十餘劑。囊裂出穢膿甚多。乃用托裏消毒散。上六劑。
膿穢清。又用托裏散。數劑。膿水漸少。更用補陰托
裏散。及十劑。全大補。五十餘劑而痊。

儒者陳時。用考試不利。一夕飲燒酒。人房妻不納。
翌日陰囊腫脹。焮痛遺人求治。余以除濕熱清肝

火之劑城門夜閉不及歸服韋卓報云夜來陰囊
悉腐玉莖下面貼囊者亦腐此肝火挾酒毒而濕
熱熾盛也仍以前藥加參芪歸朮四劑腐肉盡脫
單丸懸掛用大補氣血并全當歸膏囊莖全復而
愈

丁膏梁之客陰囊腫脹小便不利此中焦積熱乘
虛下注先用龍膽瀉肝湯加黃柏知母黃連牛膝
四劑漸愈後用補陰八珍湯加柴胡山梔而愈後
不守禁忌前症復作仍用補陰八珍湯補中益氣

湯六味丸而痊。又因勞發熱自用四物黃柏知母
之類。虛症悉具。瘡口開大。余謂五臟氣血俱虛也。
朝用補中益氣。夕用六君子。加當歸各五十餘劑。
瘡口漸斂。又用六味丸調補全愈。

府庠李達卿素腎虛發熱久服黃柏知母之類。形
體漸瘦。遺精白濁。肺熱唾痰。余曰。此腎水虧損。虛
火內熾。用補中益氣之類。加五味麥門。前症將愈。
又別用清熱涼血之劑。飲食少思。唾痰不止。余以
爲脾肺復虛。不能攝涎。歸源仍用前湯。加茯苓。半

夏而愈後入房頭暈吐痰腰骨作痛大小便道牽
痛余曰此精已耗而復竭所致危殆之症也遂朝
用前湯加麥門五味夕用六味丸料加五味子草
解五十餘劑諸症頓退後又入房陰囊陰莖作痛
別用淡滲之劑陰囊內潰余用補陰托裏之劑出
膿甚多喜瘡消痛止竟不善調養以致大便不通
小便如淋痰涎上湧余曰腎虛之症復作矣誠爲
可慮有保其可生者用礞石滾痰丸牛黃清心丸
之類吐痰愈加余曰非唯無以保其生而反促其

危矣固辭不治後果歿

一男子醉而入房陰囊腫脹大如手小腹脹悶小便淋赤發熱口乾痰涎壅甚此膀胱陰虛酒毒所乘也用上八味丸料加車前牛膝作飲下滋腎丸諸症頓退再加五味麥門一劑而愈却以補中益氣加麥門五味調理而康若用淡滲復損真陰決致不起

懸癰

懸癰謂滄生於玉莖之後穀道之前屬足三陰虧

損之症輕則爲漏瀝盡氣血而亡重則肉潰而卽
殞若初起濕熱壅滯未成膿而作痛或小便滯滯
用龍膽瀉肝湯瘰癧痛甚仙方活命飲並以製甘
草佐之如此雖患亦輕雖潰亦淺若不能成膿或
膿成不潰者八珍散補之若膿已成者急針之欲
其生肌收斂腎虛者六味地黃丸血虛者四物加
參朮氣虛者四君加芎歸脾虛者補中益氣湯氣
血俱虛者八珍湯并十全大補湯若用寒涼消毒
則誤矣

治驗

尚寶鮑希傳足發熱服四物黃柏知母之類年餘
患囊癰唾痰作渴飲湯其熱至膝更加苓連一陳
熱痰益甚謂余曰何也余曰此足二陰虧損水泛
爲痰寒涼之劑傷胃而甚耳遂先用補中益氣
用六味丸間佐以當歸補血湯半載乃愈

趙州守患此症腫多作痛五月餘矣晡熱口乾盜
汗食少體倦氣短脉浮數而無力此足二陰氣血
虧損用補中益氣加製甘草五味麥門二十餘劑

食進勢緩又用六味丸料五十餘劑膿潰瘡斂後
因怒作痛少食脇痛發熱仍用前藥賴其稟慎疾
而愈

通府張敬之患前症久不愈日晡熱甚作渴煩喘
或用四物湯黃柏知母之類前症益甚更體倦少
食大便不實小便頻數謂余曰何也余曰此脾虛
之症前藥復傷而然也遂用補中益氣加茯苓半
夏數劑飲食漸進諸症漸愈更加麥門五味調理
乃痊經云脾屬至陰爲陰土而生血故東垣先

生云脾虛元氣下陷發熱煩渴肢體倦怠等症用
補中益氣湯以升補陽氣而生陰血若誤認爲腎
虛徹用四物黃柏知母之類反傷脾胃生氣是虛
其虛矣况黃柏知母乃瀉陽損陰之劑若非膀胱
陽火盛而不能生陰水以致發熱者不可用也

一儒者患此服坎離丸及四物黃柏知母之類不
應脉浮洪按之微細余以爲足三陰虛用托裏散
及補陰托裏散漸愈又用六味丸補中益氣湯調
補化源半載而痊大凡瘡瘍等症若腎經陽氣丸

盛致陰水不能化生而患陰虛發熱者宜用坎離
丸取其苦寒能瀉水中之火令陽氣衰而水自生
若陽氣衰弱致陰水不能化生而患陰虛發熱者
宜用六味丸取其酸溫能生火中之水使陽氣旺
則陰自生况此症屬腎經精氣虧損而患者十有
八九屬腎經陽氣亢盛而患者十無一二然江南
之人患之多屬腎經陰血虧損元氣下陷須用補
中益氣湯升補陽氣使陽生而陰長若嗜慾過多
虧損真水者宜用六味丸補腎經元氣以生精血

仍用補中益氣湯以培脾肺之生氣而滋腎水經云陰虛者脾虛也但多誤以爲腎經火症用黃柏知母之類復傷脾肺絕其化源反致不起惜哉

上舍劉克新潰後作痛發熱口乾小便赤瀉自用清熱消毒之藥不應左尺洪數余以爲陽氣盛而陰氣虛也先用四物湯加黃柏知母等諸劑瀉其陽氣使陰自生服數劑諸症漸愈後用補中益氣湯六味地黃丸補脾肺滋腎水而瘡口愈丁儒者小便赤澀勞則足軟痲痛發熱口乾舌燥

食少體倦日晡益甚此氣血虛而未_レ能潰也遂用
八珍湯加麥門山藥倍用製甘草數劑諸症悉退
但患處_レ瘡痛此膿內_レ歟也又五劑膿自湧出又五
十餘劑而瘡口將_レ完又因_レ勞役且停藥寒熱作渴
瘡痛膿多用_レ補中益氣湯加炒山梔一劑少愈又
以_レ八珍湯加麥門五味百餘劑瘡痛悉去_レ喜其慎
起居節_レ飲食常服_レ補劑而安但勞則出膿一二滴
後惑_レ於他言內用_レ降火外用_レ追蝕必其收斂致患
處大潰幾至_レ不起仍_レ補而愈

便癰

一名便毒
一名便毒

便癰屬厥陰肝經內熱外寒或勞倦過度或房慾不節或慾心不遂或強固其精或肝經濕熱而致治法內熱外寒者雙解散勞倦過度者補中益氣湯房慾不節者六味丸料慾心不遂者先用五苓散加大黃疎其精滯後用地黃丸以補其肝腎強固其精或濕熱壅滯者宜用龍膽瀉肝湯疎肝導滯夫便癰血疝也屬厥陰肝經之絡脉衝任督脉之隧道故婦人患此多在兩拘瘡痛或腹中結塊

小便澀滯苟治者得法患者又能調攝何難歛之
有若槩用大黃等劑以求其內消或令膿從便下
損其氣血及不慎起居飲食者皆爲不治

治驗

府庠沈尼艾年二十左拘患之余以肝腎陰虛先
用托裏藥潰而將愈因入房發熱作渴右邊亦作
痛膿水清稀虛症悉至脉洪大而無力勢甚可畏
用十全大補加附子一錢脉症頓退再劑全退後
用大補湯二十劑而愈

一儒者癰痛便澀用八正散二十劑清肝火導濕熱而癰痛愈再以小柴胡加芎歸澤瀉山梔二十劑清肝火補脾血而小便利

一男子貴而癰痛不止此餘毒未解用活命飲一劑而痛止再劑而癰消

一男子痛甚發熱用前飲一劑痛止再以神効瓜蒌散加山梔柴胡二十劑而消

一男子癰而不潰余謂此因陽氣虛弱用參芪歸朮以補托元氣用白芷阜角刺柴胡甘草節以排

膿清肝數劑而潰以八珍加柴胡補其氣血數劑而愈

一男子已潰而痛不止小便秘澀此肝火未解也與小柴胡湯加黃柏知母芍歸痛止便利更以托裏當歸湯而瘡斂若毒未解而痛不止者須用活命飲

一婦人素清苦因鬱怒患前症或用敗毒寒涼之藥反哺熱肉熱自汗盜汗月經不行口乾咽燥余謂此鬱氣傷脾因藥復損先以當歸湯數劑後兼

逍遙散各五十餘劑而諸症皆愈

一婦人小腹內如有所梗兩拘并人門俱瘰小便
淋澀經候不調內熱作渴飲食少思腹內初如雞
卵而漸大脉洪數而虛左關尤甚屬肝脾鬱結之
症也用加味歸脾湯肝火退而脾土健間以逍遙
散下蘆薈丸而愈

一婦人兩拘瘰痛腹內一塊不時上攻月經不調
小便不利余以爲肝脾氣滯以四君加芎歸柴胡
山梔而愈後因鬱怒前症復作却兼胸脇脹滿盜

汗此肝木甚而傷脾土用加味歸脾湯下蘆薈九而痊

一婦人小腹內或作痛或痞悶兩拘痠痛內熱寒熱胸膈不利飲食不甘形體日瘦此肝氣滯而傷脾氣朝用補中益氣湯夕用六味丸漸愈更用蘆薈九而全愈

一婦人兩拘痠痛小腹痞脹小便時數白帶時下寒熱往來小水淋瀝余謂脾氣滯而血病用龍膽瀉肝湯漸愈又用加味逍遙散六味丸而全愈

一婦人患前症胸脇脹悶或小便不利或時作痛
小便滯滯服疎氣豁痰等藥益甚余謂肝火氣分
之病用龍膽瀉肝湯以清肝熱又用加味道遙散
以生肝血六味丸以滋腎水而愈

一婦人患前症余謂此肝脾鬱怒之症不信別服
化痰利氣之劑胸腹脹悶又服峻利疎導之劑變
脾虛發腫之症而歿

一婦人兩拘痺痛內熱作渴飲食不甘肢體倦怠
陰中作梗小便赤澀爲肝脾陰虛濕熱用加味歸

脾湯而愈後因怒復作小腹瘴脹小便不利用小柴胡加山梔芎歸以清理肝火脹痛頓止又以加味道達散調補肝火而痊

一婦人兩拘作痛寒熱內熱小便赤澀胸脇不利此肝火動而脾氣傷用補中益氣湯加茯苓數劑少愈又與加味歸脾湯諸症悉退再用加味道達散而全愈

一婦人小腹痞悶小便不利內熱體倦懶食此氣血虛而兼肝火用八珍湯加柴梔膽草治之而安

婦人陰中如梗，兩拘痠痛，寒熱不食，小便頻數，小腹重墜，余以爲肝脾鬱結所致。先以補中益氣湯，加山梔、茯苓、車前子、青皮，以清肝火，升脾氣，更以加味歸脾湯二十餘劑，調理脾鬱而愈。

下疳瘡

婦人陰瘡等症見女科撮要婦人良方

下疳屬肝經，濕熱下注，或陰虛火燥，治法瘡痛發熱者，血虛而有熱也，四物湯加柴胡、山梔，瘡痛寒熱者，肝經濕熱也，小柴胡湯加龍膽草、黃連，瘡痛便澀者，濕熱壅滯也，龍膽瀉肝湯，瘡痛腐潰者，氣

血虛而有火也。八物湯加山梔柴胡。日晡熱甚者。陰血虛而有熱也。小柴胡湯加參朮芎歸。日晡倦怠者。陽氣虛而下陷也。補中益氣湯其經久不愈而發寒熱者。腎水不能生肝木也。用六味丸。若筋縮縱或為疼痛。或出白津。此筋疝也。用龍膽瀉肝湯。氣虛者。補中益氣加炒山梔炒龍膽。陰虛火燥者。用六味丸。莖中痒出白津。用補中益氣湯與清心蓮子飲。間服。蓋此症肝經陰虛為本。腫痛寒熱等症為標。須用六味丸以生肝血。凡脾土虛不能

生金水而見一切肝症者當佐以補中益氣湯加
麥門冬以滋化源

治驗

庶苦土劉華甫或莖中作痛或竅出白津或小便
秘澀先用小柴胡湯加山梔澤瀉黃連木通膽草
茯苓一劑以清肝火導濕熱諸症漸愈後因勞倦
忽然寒熱此元氣復傷也用補中益氣而安又用
六味丸以生肝血滋腎水而全愈
州守姜節甫患前症膿水淋漓作渴吐痰午前惡

寒午後發熱。余曰：午前惡寒，屬陽氣虛弱；午後發熱，屬陰血不足。不信。反服一陳黃柏、知母之類。飲食益少，大便不實。又日晡熱渴，小腹重墜，患處痠痛。恪用四物、黃柏、知母之類。飲食亦不思。余以脾氣虛而下陷，先用補中益氣湯調養脾胃，以升陽氣。諸症漸愈。又用六味丸滋補腎水，以生肝血。而痊。

一、小兒十五歲，患前症。雜用消毒之藥，虛症悉具。一十年餘矣。詢之，乃稟所致。用葶藶湯，月餘，諸症漸

愈又用補陰八珍補中益氣一湯而痊

一儒者莖中作痒發熱倦怠外皮浮腫一十年矣用八珍加柴胡山梔及六味地黃丸而愈有兼陰毛間生蟲作痒者用桃仁研爛塗之

一儒者因勞而患痲痛寒熱體倦頭疼小便赤澀用補中益氣湯加車前牛膝山梔而愈

一儒者陰莖腐爛癰痛不止日晡熱甚口乾體倦食少欲嘔此肝脾血虛也先用六君子加柴胡升麻脾胃醒而諸症退更以補中益氣加炒山梔肝

火退而瘰癧痛痊。

痔瘡 男婦全治

痔屬肝脾腎三經故陰精虧損者難治多成漏症若肺與大腸二經風熱濕熱者熱退自愈不守禁忌者亦成漏症此因醉飽入房筋脉橫解精氣脫泄熱毒乘虛流注或淫極強固其精以致木乘火熱而侮金或炙燔厚味或勞傷元氣陰虛火熾所致初起愀痛便秘或小使不利者宜清熱涼血潤燥疎風若氣血虛而寒涼傷損者調養脾胃滋補

陰精若破而久不愈多成痔漏有穿臀穿陰穿腸者其腸頭腫硬者濕熱也作痛者風熱也便結者火燥也潰膿者熱勝血也太便作痛者潤燥除濕肛門墜痛者瀉火除濕小便澀滯者清肝導濕其成漏者養元氣補陰精爲玉經云因而飽食筋脈橫解腸澀爲痔其屬肝脾腎也明矣若有患痔而兼疝患疝而兼下疳皆屬肝腎不足之變症但用地黃丸益氣湯以滋化源爲善若專服寒涼治火者無不致禍

治驗

進士周希輔素有疝痔勞則小腹作痛莖出白津
痔亦癢痛若飲食勞倦起居失宜則發寒內熱肢
體疲倦服十全大補湯諸症並退彼欲去病根乃
用攻病生肌之藥肌體骨立余用益氣湯地黃丸
元氣漸復但自弛調攝不能全愈

一儒者膿血淋漓口乾作渴晡熱便血自汗盜汗
余謂此腎肝陰虛也不信仍服四物栢知連之類
食少瀉嘔余先用補中益氣湯加茯苓半夏炮姜

脾胃漸醒後用六味丸朝夕服兩月餘諸症悉愈
儒者楊舉元素陰虛勞則肢體倦怠兩足發熱服
清熱等劑熱至腰膝大便澀滯飲食過多則瀉至
年餘作渴吐痰患痔出膿仍不節勞則忽惡寒發
熱復患癰膿水不止氣血虛甚余用六味丸補中
益氣湯滋養化源喜其慎疾年餘而痊

一男子患此服寒涼之劑侵晨去後不實食少體
倦口乾作渴小腹重墜余用補中益氣湯而下墜
頓止用四神丸而食進便實用地黃丸而瘡尋愈

一膏梁酒色之人患之作痛服苦寒之藥致腎瘕
硬又加大黃腹脹頭痛此足二陰虧損而藥復傷
余用補中益氣湯升補陽氣加參苓半夏木香以
助脾氣數劑而愈

上合陸子藩時仲冬患痔作痛右手浮大左尺洪
數余曰冬見夏脉當壯水之主以鎮陽光彼以爲
迂別服苓連之劑越明年六月九日復邀視之瘵
涎上湧日夜不寐脉洪大而數按之無力左尺全
無足手肩膊逆冷余曰事急矣彼云但求少延數

且以待嗣子一見耳勉用參芪歸朮炮姜之類及
六味丸料加肉桂至本月丁酉日果歿五行之理
信然

侍御王兩湖長子患痔作渴發熱尺脈洪數按之
無力余曰此肝腎陰精虧損而虛火妄動當滋化
源彼不信後吐痰聲嘶面赤體瘦而歿

便血

婦人症見
女科撮要

經云邪在五臟則陰脈不和陰脈不和則血留之
陰氣內結陽絡外傷滲入腸間故便血也針經云

陽絡傷則血外溢而衄血陰絡傷則血內溢而便
血皆因飲食失節起居不時七情六淫失宜內傷
外感所致若外感則血鮮名腸風內傷則血濁名
臟毒外感而元氣實者人參敗毒散加槐花荆芥
以祛邪氣內傷而元氣虛者亦用六君子湯以補
胃氣元氣下陷者補中益氣湯以升舉之憂思傷
脾者濟生歸脾湯以解之糞前見血者益氣湯加
吳茱萸糞後見血者加黃連陰血不足者宜用四
物湯病因多端不能盡述當臨症制宜庶無誤矣

丹溪先生云精氣血氣出於穀氣惟大便下血當以胃氣收功治者審之

治驗

一儒者素善飲不時便血或在糞前或在糞後食少體倦面色痿黃此脾氣虛而不能統血以補中益氣湯加吳茱萸黃連二十餘劑而再不發

一男子每怒必便血或吐血卽服犀角地黃湯之類余曰此脾虛不能攝血恐不宜用此寒涼之藥彼不信仍服之日加倦怠面色痿黃更用四物苓

連丹皮之劑，飲食少，思心煩渴熱吐血如瀉，竟至不起。若用四君芎歸補中益氣湯，多有得生者。

脫肛 男婦全治

脫肛屬太陽氣血虛而兼濕熱，有久痢氣血俱虛而脫者，有因腎虛而脫者，有中氣虛而脫者，有因腎虛而脫者，濕熱者，升陽除濕湯，血熱者，四物加條芩槐花，血虛者，四物加白朮茯苓兼痔而痛者，四物加槐花黃連升麻，久痢者，補中益氣湯加酒炒芍藥，中氣虛陷者，煎湯加半夏炮姜茯苓五味。

腎虛者六味丸虛寒者八味丸肺與大腸爲表裏
肛者大腸之門肺實熱則秘結肺虛寒則脫出腎
主大便故腎虛者多患此症

治驗

舉人于時正素有痔每勞役便脫肛瘻痛出水中
氣下陷者用補中益氣湯加茯苓芍藥十餘劑中
氣復而愈後復脫作痛誤服大黃丸腹鳴惡食幾
危余用前湯加炮姜芍藥諸症漸愈後去姜加熟
地五味二十餘劑而愈

一男子脾胃素弱或因勞倦或因入房肛門卽下
瘰癧痛甚用補中益氣湯加麥門五味兼六味丸
而愈後因過飲下墜瘰癧痛誤用降火消毒虛症蜂
起余用前湯加炮姜木香一劑再用前湯并加減
八味丸兩月而安

一儒者面白神勞素畏風寒飲食喜熱稍多必吞
酸作瀉吸氣覺冷便血盜汗余以爲脾腎虛寒用
補中益氣加炮姜肉桂五十餘劑八味丸觔許諸
症悉愈

腎臟風瘡 男婦全治

腎臟風屬腎虛風邪乘於膝脛以致皮膚如癩或
漸延上腿久則延及遍身外症則搔痒成瘡膿水
淋漓眼自昏花肉症則口燥舌乾腰腿倦怠吐痰
發熱盜汗體疲治法用六味丸爲主佐以四生散
若脾胃虛弱者用補中益氣爲主佐以六味丸四
生散爲善

治驗

欽天薛循齋六十有一兩膝患之膿水淋漓發熱

吐痰四年矣此腎臟風症也與五味丸四生散而
瘥年餘復作延及遍身日晡益甚痰渴盜汗唇舌
生瘡兩自昏赤皆腎經虛火而水泛爲痰用加減
八味丸而愈三年後小便淋漓莖中瀉痛此思色
精不出而內敗也用前丸及補中益氣湯加麥門
五味而愈

廉瘡

婦人症見女科撮要婦人良方

廉瘡生於兩脇初起赤腫久而腐潰或津淫搔痒
破而膿水淋漓益因飲食起居虧損肝腎或因陰

火下流外邪相搏而致外賺屬足二陽濕熱可治
內賺屬足二陰虛熱難治若初起惡寒壯熱癰癤
作痛者屬濕熱用柝蘇敗毒散若漫腫作痛或不
腫不痛者屬陰虛用補陰八珍湯若膿水淋漓體
倦食少內熱口乾者屬脾虛用補中益氣加茯苓
酒炒白芍藥若午後熱或作痛頭目不清者屬陰
火煎湯加酒炒黑黃柏及六味地黃丸若午後發
熱至子時分方止是血虛煎湯加芎歸熟地若鬱
結傷脾而甚用歸脾湯加柴胡山梔若怒動肝火

而甚用補中益氣湯加川芎山梔黃芩內熱口乾
肢體倦怠或痰涎上升或口舌生瘡屬脾腎虛熱
用六味地黃丸補中益氣湯若患處黑黯肢體畏
寒飲食少思屬脾腎虛敗用六味地黃丸若誤用
攻伐復損胃氣絕其化源治亦難矣

治驗

鴻臚霍少溪兩膝生瘡漸至遍身發熱吐痰口燥
咽乾盜汗心煩渴赤足熱日晡益甚形體日瘦此
腎經虛火也用六味丸不日諸症悉退二月元氣

平復

一男子左腿腫肉色如故寒熱惡心飲食少思此脾氣不足而爲外邪所感也用六君加藿香桔梗川芎而寒熱止又用補中益氣湯而腫消

陳湖陸誠素因陰虛過飲入房發熱腿痛似膝瘡用發表之劑兩腿腫黯熱氣如霧欲發瘰癧皆洪數兩尺尤大余曰屬足三陰虛酒濕所乘元氣損而邪益甚耳用十全大補加山藥山茱萸附子一劑脈症頓退却去附子又一劑全愈

一男子先於兩膝後及遍身生瘡似疥非疥時或膿水淋漓兩腿爲甚肢體倦怠作痒煩熱年餘不愈余作腎經虛火用加減八味丸而痊

一男子腿患癱服尅伐之藥虧損元氣不能成膿余爲托裏而潰大補而飲若大便結燥用十全大補湯加麥門五味而潤月餘仍結自服潤腸丸而瀉不止余用補中益氣湯送四神丸數服而愈

足跟瘡

婦人症詳見
婦人良方

足跟乃督脉發源之所腎經所過之地若飲食失

節起居失宜虧損足二陽經則成瘡矣若漫腫寒熱或體倦少食屬脾虛下陷也用補中益氣湯若肺熱作痛頭目不清屬脾虛陰火也前湯并六味丸若痰涎上升或口舌生瘡屬腎水乾涸也前湯并加減八味丸凡此皆當滋其化源若治其外則誤矣俗云鬼噬瘡者益獵人被鬼咬足跟久而不斂氣血瀝盡而死

治驗

大尹陳汝鄰兩腿酸軟或赤或白足跟患瘡或痛

或痺後痛而或如無皮或如雞裂日晡至夜脹痛
熉熱用補中益氣湯加入味九料補其肝腎而愈
一男子足跟作痛熱渴體倦小便如淋誤用敗毒
散致頭痛惡寒欲嘔不食吐痰咳嗽此足二五陰虧
損而藥復傷余用十全大補湯加減八味丸各五
十餘劑而愈

一男子素不慎起居內熱引飲作渴體倦兩足發
熱後足跟作痛或用清熱除濕之劑更加發瘡又
服敗毒母之藥熉赤痛甚恪用祛毒清熱潰裂番張

狀如赤榴，熱痛如錐，內熱晡熱。此因足三陰虧損，朝用十全大補湯，夕用加減八味丸，外敷當歸膏，兩月餘而愈。其服消毒等藥而死者，不能枚舉。

一男子亦患此服，消毒散，擦追蝕藥，虛症屢出，其形體骨立，自必死。余用十全大補，兼山茱山藥，兩月餘而愈。

一膏梁之人，兩腳發熱作渴，左尺脈數而無力，余謂此足三陰虧損，防患沮不信，反服清熱化痰之藥，更加補熱頭暈，又服四物黃柏，知母，日晡熱甚。

飲食漸少，覺少面發疽。余用補中益氣六味地黃丸百餘服，而其不信。患疽以致不起者多矣。

一婦人勞則足跟熱痛，余以爲足三陰虛用八珍湯而痊。後遍身搔痒，誤服風藥發熱抽搐，肝脈洪數。此肝家血虛火盛而生風。以天竺膽星爲丸，用四物麥門五味芩連灸草山梔柴胡煎送下而愈。

一婦人兩足發熱兩跟作痛，日晡熱甚。余以爲肝腎血虛用加味道遙散六味地黃丸五十餘劑，諸症悉愈。

一婦人素血虛因太勞兩足發熱晡熱月經過期
或用四物黃連食飲少思胸痞吐痰用一陳枳實黃
連太便不實吐痰無瘦足跟作痛余曰足熱晡熱
月經過期乃肝脾血虛也胸痞吐痰飲食少思脾
胃虛也益胃爲五臟之根本胃氣一虛諸症悉至
先用補中益氣湯加白茯苓半夏脾胃漸健乃佐
以六味地黃丸以補脾腎不兩月而痊

一婦人經候不調發熱晡熱胸膈不利飲食少思
服清熱寬中消導之劑前症益甚更兼肢體酸痛

服除濕化痰等藥經候兩月一至服通經降火等劑兩足跟指作痛其熱如炙余以爲足三陰虧損用補中益氣六味地黃丸兩月諸症漸退又用前湯并八珍散兩月而康

一婦人足跟患腫兩腿酸軟或赤或白或痒或痛後或如無皮或如皴裂日晡至夜脹痛燉熱此足三陰虧損用加減八味丸及逍遙散加熟地川芎百餘劑而愈

脚發男婦全治

脚發之症屬足，二陰經精血虧損，或足三陽經濕熱下注，若色赤腫痛而潰膿者，屬濕熱下注，爲可治。若色微赤微腫而膿清者，屬精血虧損，爲難治。若黑黯不腫痛不潰膿，煩熱作渴，小便淋漓者，陰敗未傳惡症也，爲不治。其法濕熱下注者，先用隔蒜灸活命飲以解壅毒，次服益血氣湯六味丸以補精氣。若色黯不痛者，着肉灸桑枝灸以行壅滯，助陽氣。更用十全大補湯八味丸壯脾胃滋化源多，有復生者。若專治其瘡復傷生氣，吾未見其生者。

治驗

閣老勒介菴脚指縫作痒出水腫焮脚面敷止痒之藥不應服除濕之劑益甚余以爲陰虛濕熱下注用六味地黄丸補中益氣湯而愈

大然李北溪左足赤腫作痛此足二陽經濕熱下注先用隔蒜灸活命飲一劑其痛頓止灸患處出水赤腫頓消次用托裏消毒散四劑灸患處出膿而愈

儒者楊舉元患此微腫痛微赤焮此足二陰經陰

虛濕熱下注用隔蒜灸托裏散而起發用十全大補湯而膿成又與加減八味丸料百劑而斂

一儒者患此癰硬色白兩月餘矣此足三陰經虧損爲外寒所侵用大防風湯及十全大補兼服而消後場屋不利飲食勞倦前症復作盜汗內熱飲食不化便滑肌瘦此脾土虛寒而命門火不能相生用八味丸益氣湯百餘劑喜其年壯得愈

一男子脚心發熱作渴引飲或用四物芩連栢知母之類腹痛作嘔煩熱大渴此足三陰虧損前藥

復傷脾胃也先用六君加炮姜數劑而脾胃醒再用補中益氣加茯苓半夏而脾胃健乃以加減八味丸兼服半載而愈

一儒者脚心發熱作痒以滾湯浸漬潰而出水肌體骨立作渴吐痰此脾腎虛而水泛爲痰也服益氣湯六味丸年餘元氣復而諸症愈

少宗伯顧東江面黧作渴余曰此腎經虧損當滋化源以杜後患彼雖然之而終不服次年九月內左足面患疽色黯不痛脚腿沉重用隔蒜灸二十

餘壯足腿卽輕瘡出血水數日而消瘡色仍黯時
公將北行賀萬壽余診之曰脾脉衰憊陽氣虛
極不宜遠行公曰余得夢屢驗向夢羣仙待我此
壽徵也至河間驛聚仙堂病篤嘆曰立齋豈能留
我果卒於此亦異數也

脫疽

脫疽謂疔患於足或足指重者潰脫故名之亦有
患於手患於指者因醇酒灸燻膏染傷脾或房勞
損腎故有先渴而後患者有先患而後渴者若色

赤作痛自潰者可治色黑不潰者不治色赤作痛者元氣虛而濕毒壅盛也先用隔蒜灸活命飲托裏散再用十全大補湯加減八味丸色黯不痛者腎氣敗而虛火盛也隔蒜灸桑枝灸亦用十全大補湯加減八味丸則毒氣不致上侵元氣不致虧損庶可保生亦有因修手足口咬等傷而致者若元氣虛弱或犯房事外塗寒涼內服剋伐損傷脾胃患處不潰若黑黯上延亦多致死重者須當以脚刀轉解周際輕洩去之則筋隨骨出而毒得泄

亦不痛否則毒母筋內斷雖去而仍潰且偏僻之處
氣血罕到藥難導達况攻毒之劑先傷脾胃不若
灸法爲良重者須解去爲善故孫真人云在肉則
割在指則截蓋親之遺體雖不忍傷而遂至不歿
則尤傷矣况解法無痛患者知之

治驗

一男子足指患之癰焮痛赤此三陽經虛而外邪
所乘也用隔蒜灸人參敗毒散加銀花白芷太黃
一劑而痛甚又一劑痛止又與十宣散加天花粉

金銀花去桂數劑而愈又有足指患之者色紫不
痛此二陽經熱毒壅滯隔蒜灸五十餘壯又明灸
百壯始痛投活命飲四劑更以托裏藥潰脫而愈
一男子患前症赤痛作渴此足二陰虛而火內動
用隔蒜灸活命飲二劑而潰更服托裏藥及加減
八味丸潰脫而愈若早用前法不至於此

一男子瘡痛色赤發熱作渴大小便秘結其脉浮
數按之沉實此足二陽經積熱內外俱受患也先
用隔蒜灸及人參敗毒散加銀花白芷太黃而潰

更以活命飲而痊

一膏梁之人先作渴足熱後足大指赤痛六脈洪
數而無力左尺爲甚余爲此足三陰虛當滋化源
爲王固服除濕敗毒等劑元氣虛益色黯延足余
乃朝用補中益氣湯夕用補陰八珍湯各二十餘
劑及桑枝灸潰而膿清作渴不止遂朝以前湯送
加減八味丸夕用十全大補湯二十餘劑而痊是
時同患此症服敗毒之藥者俱不救

瘤贅

附結核凡結核
當與瘰癧參看

內經云肝統筋而藏血心裏血而主脈脾主肉而
統血肺主氣而司腠理腎統骨而主水若怒動肝
火血涸而筋攣者其自筋癰起按之如筋久而或
有赤縷名曰筋瘤用六味地黄丸四物山梔木瓜
之類若勞役火動陰血沸騰外邪所搏而爲癰者
其自肌肉癰起久而有赤縷或皮俱赤名曰血瘤
用四物茯苓遠志之類若鬱結傷脾肌肉消薄外
邪所搏而爲癰者其自肌肉癰起按之實軟名曰
肉瘤用歸脾益氣湯若勞傷肺氣腠理不密外

邪所搏而壅滯者其自皮膚癰起按之浮軟名曰
氣瘤用補中益氣湯之類若勞傷腎水不能榮骨
而爲腫者其自骨癰起按之堅硬名曰骨瘤用地
黃丸及補中益氣湯王之夫瘤者留也隨氣凝滯
皆因臟腑受傷氣血乖違當求其屬而治其本大
凡屬肝膽一經結核入珍加山梔膽草以養氣血
清肝火六味丸以養肺金生腎水若屬肝火血燥
須生血涼血用四物一地丹皮酒炒黑膽草山梔
中氣虛者補中益氣兼服若治失其法脾胃虧損

營氣虛弱不能濡於患處或寒氣凝於瘡口榮氣不能滋養於患處以致久不生肌而成漏者悉調補脾胃則氣血壯而肌肉自生矣若不慎飲食起居及七情六淫或用寒涼蝕藥蛛絲纏芫花線等法以治其外則誤矣

治驗

長洲庠王天爵辛丑春左腿近環跳患之狀如木桃按之濡軟恪服除濕流氣化痰之劑惡寒發熱食少體倦形氣俱虛脈洪大而虛氣瘤也肺主之

蓋膽屬木肺屬金然發於膽經部分乃肺金侮肝
木元氣虧損而其膿已內潰矣遂用十全大補湯
數劑出毒白稀膿甚多頓加寒熱煩渴頭痛殊類
傷寒狀余謂此因膿泄而血氣益虛耳仍用前湯
其勢益甚脈洪數大按之如無乃加附子一錢其
勢愈甚而脈復如前此虛甚而藥未能及也更加
附子一錢二劑諸症頓退乃朝用補中益氣湯夕
用十全大補湯各三十餘劑出腐骨五塊瘡口將
完後因不慎起居患處復潰諸症更發咽間如焚

口舌無皮用十全大補加附子一錢服之諸症即
愈一日不服肉病悉至患處復潰二年後又患服
前藥不應診其尺脈微細如絲此屬命門火衰用
八味丸爲主佐以十全大補湯稍愈至乙巳仍患
虛寒之症而死

一男子左腿外側近腎癰一塊上有赤縷二年矣
飲食起居如常觸破湧出血膿發熱惡寒此膽經
受症故發於腿外側診其脈左尺洪數右關弦洪
此腎水不能生肝木用補中益氣湯六味地黃丸

而痊

一男子小腹患之，膿水淋漓，此足三陰之症，用補中益氣，加麥門、五味，以培脾土，用六味地黃丸，以生腎水，更用蘆薈丸，以清肝火，而飲。

一老儒眉間患之，二年其狀如紫桃，下墜，蓋目，按之如水囊，此肝脾之症，膿痂內潰，而然耳，遂刺出血，膿目即開，以炒黑膽草、山梔、芎歸、芍藥、柴胡、白朮、茯苓等類，而愈。

舉人江節夫兩耳下兩臂兩肋結核，恪服祛痰降

火軟堅之劑益甚余曰此膽經血虛火爆也蓋膽
經行入身之側前藥必致虧損至明年七月復請
視各核皆潰脉浮大而瀉時金旺於秋木受金尅
必不治果卒

嘉善周上舍兩耳下項間筋攣壅腫堅硬咳嗽氣
喘內熱盜汗所服皆化痰散堅行氣之劑勢益甚
予診之左關弦澀左尺洪數此怒氣傷肝房勞損
腎須滋腎水生肝血慎調攝至水旺之際庶可愈
矣彼欲速効乃外敷商陸石灰等藥內服海藻蓬

木之類至秋金旺之際元氣愈虛其瘰愈甚而及
鎮江孫上舍益缺間瘰如覆甕堅硬色赤內熱晡
熱自汗盜汗就治於余曰賤疾皆以散堅行氣降
火破血之劑欲其肉消而反甚其脈左尺洪數按
之而弱左關洪數按之而澀此怒氣傷肝血涸而
筋攣也因其急於仕進余辭不能治彼亦不信後
果歿此症若補脾肺滋肝腎則木得水而敷花筋
得血而滋潤多有得生者

疔

疔屬肝膽少陽經風熱血燥或怒動肝火或肝客
淫氣所致蓋肝熱水涸腎氣不榮故精亡而筋攣
也宜以地黃丸滋腎水以生肝血爲善若用蛛絲
纏螻螂蝕著艾灸必多致誤大抵此症與血燥結
核相同故外用腐蝕等法內服燥血消毒則精血
愈虛肝筋受傷瘡口翻突開張卒成敗症

治驗

府庠朱宏仁年二十有手背近中指患五疔中一
大者如黃荳餘皆如聚黍拔之如絲長二十四寸許

此血燥筋縮用清肝益榮湯五十餘劑而愈

府庠沈姬文幼嚙指甲及長不能自禁余曰此肝
火血燥也又頸側常生小疣子屢散屢發又臂生
一塊如菘豆大若觸碎如斷束縷扯之則長縱之
則縮後兩鬢發自點求治余曰子素肝病此部亦
屬肝膽經也夫爪爲筋之餘膽行人身之側正與
嚙爪生疥等症相應須滋補腎水以生肝膽則諸
病自愈矣乃與六味地黃丸服之二年白點自退
疣亦不生

丁男子臉患流初如赤樵雜用敷貼之藥翻張如
菌又用腐蝕大如瘤此足二陰經虛症悉具治
以補脾肺生肝腎等劑而尋愈

一男子小腹中一塊不時攻痛或用行氣化痰等
藥不應尤以爲血鼈服行氣逐血之劑後手背結
一瘰子漸長寸許形如鼈狀肢節間如荳大者甚
多彼泥鼈生子發於外亦用行血虛症悉至左尺
洪數關脉洪數弦余以爲腎水不能生肝木以致
肝火血燥而筋攣用六味地黃丸生腎水滋肝血

三月餘諸症悉愈

一男子因勞役過度面色青黑發熱咳嗽面生疔
子腹內一塊攻上攻下作痛口乾小便秘澀服消
尅之藥愈甚察其脉左右關俱弦洪元氣弱甚此
肝脾受病而筋攣也投以加味逍遙散合地黃左
料元氣遂復若誤以爲血熱之類消之必致不起
一男子素膏梁醇酒先便血便結驚悸少寐後肛
門周生小顆如疔子如鼠乳大小不一用清熱消
毒等藥半載之間腿內股亦然又用化痰之藥寒

熱吐痰頸間俱作肝腎脉浮數按之而弱余以爲足二十陰經血虛火熾法當滋化源彼不信別服四物黃柏知母之類諸症蜂起此胃氣復傷各經俱病也先用補中益氣湯二十餘劑諸症漸愈乃朝用前湯夕用八珍湯又各五十餘劑諸症尋愈於是夕改用六味丸加五味子又半載諸症悉愈一婦人左手背并次指患五六枚如熟椹肉熱晡熱月經素不及期余曰此因肝脾血虛而有熱也當調補一經使陰血生而諸症自愈不信乃用艾

灸手腫脹發熱手指皆攣兩脇項及胸乳間皆患
疔經行無期余用加味逍遙散少加炒黑黃連數
劑漸愈乃去黃連更佐以歸脾湯各患漸愈又百
餘劑經行如期再用地黃丸二料而痊

一婦人小腹內一塊或時上攻或時下墜寒熱胸
痞小使淋漓或用行氣化痰等劑前症愈甚月經
兩月餘而一行或以爲內有肉贅啖飲其血而經
不行服驅逐之劑下血甚多兩手背結一疔如太
荳許兩月漸長寸許又兩月餘又患數枚疑以贅

子行於外仍行驅逐兩耳下各患癰又疑爲瘡毒
余曰此屬肝火血燥也用加味逍遙加味歸脾二十
藥兼服佐以六味丸二月餘而愈

一婦人患之用蛛絲纏荒花線蟬螂啖毒藥蝕着
艾灸大潰癰痛發熱出血余曰此陰血虛也不信
仍服降火之藥而死

發瘰 瘰當作瘰

瘡瘍發瘰因氣血虧損外邪所搏或內虛鬱火所
致其形牙關緊急四肢勁強或腰背反張肢體抽

摘其有汗而不惡寒者曰柔痙風能散氣故有汗也其無汗而惡寒者曰剛痙寒能瀉血故無汗也皆由亡血過多筋無所養故傷寒汗下過多與潰瘍產後多患之乃敗症也若大補氣血多有復生者若作風治速其危矣

治驗

秋官張同野舊有流注因暴寒睡炕口自抽搐手足戰掉余以爲氣血虛熱而然用參芪歸朮川芎山梔柴胡半夏天麻灸草治之而愈

吳給事瞻之墜馬傷首出血過多發熱煩躁肉攣
筋惕或作破傷風欲發汗祛風余曰此亡血火動
也無風可祛無汗可發當峻補其血用聖愈湯二
劑頓愈又用健脾胃養氣血而全愈

一儒者背瘡將愈發熱煩躁自用降火之劑項強
口噤自汗惡寒此汗多內亡津血筋無所榮也用
補氣血之劑及地黃丸而愈

一男子素勤苦早行遍身發疔瘡口噤目直脉弦
緊此勞傷氣血內熱外邪所搏也用補中益氣加

山梔羌活川芎而瘥半載後遍身作痒搔破成瘡
發熱作渴脈洪大而虛復以前湯加芍藥麥門熟
地天麻而愈

一儒者善怒患瘰癧復因大怒跳躑忽仆地兩臂
抽搐唇口喎斜左目緊小此肝火血虛內熱生風
用八珍散加牡丹皮釣藤山梔而愈次年春前病
復作兼小便自遺左關弦洪而數余以爲肝火血
燥用六味丸加釣藤五味麥門芎歸治之漸愈又
用補中益氣加山梔釣藤牡丹皮而安

一癰婦因怒仆地瘡口出血語言蹇澀口眼喎斜
四肢拘急汗出遺尿或用驅風之劑六脉洪大肝
脉尤甚此肝火熾甚也用加味道遙散加釣藤及
六味丸尋愈

一婦人患內痔因勞出血甚多不時發瘕飲食少
思形體倦怠其面色白余謂此氣傷而不能統血
也用補中益氣湯加寒熱出血此陽氣虛寒也仍
以前湯加炮姜四劑寒熱漸止飲食漸進又四劑
而血頓止後因勞役或怒氣即便血或發瘕投以

補中益氣湯加鈞藤而愈

一婦人素性急患遍身搔痒或項間結核常服搜風順氣之劑後大怒吐血唇口牽緊小便頻數或時自遺此怒動肝火而血妄行也用小柴胡湯加山梔牡丹皮而愈

一癩婦因勞兼怒四肢攣屈煩痛自汗小便短少畏見風寒脉浮弦緩此氣血虛而風寒濕熱相搏也先用東垣清燥湯漸愈再用加味道遙散及八珍湯加牡丹皮而痊

一婦人素有肝火兩拘間或腫痛或寒熱忽然昏
憤瘰癧抽搐善伸數欠四肢筋攣痰涎上升此肺
金燥甚而血液衰少也用清燥丸六味丸兼服尋
愈

一婦人因太勞患廉瘡發疔落搔碎成瘡日晡熱
甚或口噤發搐或頭目眩暈此肝脾氣血虛而肉
熱以八珍散加柴胡山梔治之諸症少愈復因怒
前症復作經行不止此肝脾血熱用加味道遙散
漸愈又用八珍散加柴胡山梔而痊

一婦人發疔瘡，日晡熱甚，月經先期，或頭自昏眩，或寒熱發熱，或四肢抽搐，此肝經風熱血燥，用加味道遙散治之，尋愈。後因怒，前症復作，口噤遺尿。此肝火血燥也，用加味小柴胡湯治之，漸愈。又夜間發熱譫語，此血分有熱也，用小柴胡湯加生地而愈。更用加味道遙散調理而安。

一婦人患重唇，月經先期，余以爲肝火血熱，不信。乃汎用降火之劑，反致月經過期，復因勞怒，口噤呻吟，肢體不隨，六脈洪大，面自赤色，用八珍參門。

五味山梔丹皮數劑漸愈兼用逍遙散六味九料
各二十餘劑全愈

一婦人經行遇怒其經即止甚則口噤筋攣鼻衄
頭痛痰湧搐搦瞳子上視此肝火熾甚以小柴胡
湯加熟地黃山梔釣藤鈎而愈

一婦人素陰虛患遍身搔痒誤服祛風之藥口噤
抽搐肝脉洪數余曰肝血爲陰爲水肝氣爲陽爲
火此乃肝經血虛火盛耳宜助陰血抑肝火遂用
四物麥門五味柴胡山梔生草熱搐頓止又以八

珍加黃芪麥門五味釣藤灸草調理而愈

一婦人久患流注脾胃虛弱忽痰壅氣喘頭搖目
劄手揚足擲難以候脈視其面黃中見青此肝木
乘脾土也用六君加柴胡升麻治之而甦更以補
中益氣加半夏茯苓而安

類破傷風症

大凡癱疽潰後筋糜肉爛膿血大泄陽隨陰散或
筋脉拘急惡寒惕搦甚者舌強口噤項背反張痰
涎壅甚便閉汗出不時發熱此氣血俱虛而傳變

雖與破傷風相類而主治之法當大補氣血若果
係風症亦須以大補氣血爲本而兼以治風之藥
設若不審是非而妄藥之則誤矣風症治見後方

治驗

司徒邊華泉肩患癱潰而發熱目直或矚殊類中
風日晡熱甚脉益數此足三陰氣血虧損虛火妄
動用參芪歸朮灸草加酒炒黑黃栢五味麥門肉
桂四劑而愈又數劑而斂

陸大行背瘡內潰出膿一碗許用托裏之劑痛止

癰消停藥忽寒熱作渴頭痛自汗此元氣虛而未
能復也用上十全大補加麥門五味肉桂二劑益甚
診其脈如故此藥力未及仍用前藥加附子一錢
三劑諸症悉愈乃去附子加肉桂數劑而斂

一儒者患腿癰深蓄於肉色不變久不穿潰針
出膿癰五碗許惡症駢臻全類中風此脾胃虛而
變症也用四君子加當歸炮姜及聖愈湯各四劑
而安又勞心不寐用歸脾湯而愈

一儒者傷寒後患流注癰痛潮熱用上宜敗毒等

劑出稀膿五六碗許發熱惡寒煩躁作渴殊類破傷風症而歿

一男子背瘡未痊斂以膏藥剪孔貼之患破傷風症而歿此先失於內補外邪襲其虛耳余見此症貼膏藥剪孔欲其通氣而反患破傷風搽斂藥生肌欲其收口而反助其餘毒以致歿者可多矣不慎哉

論瘡瘍隨症加減用藥

內經云形傷痛氣傷腫先腫而後痛者形傷氣也先痛而後腫者氣傷形也東道先生謂胃爲五臟

之本源人身之根帶丹溪先生云癰疽因積毒在
臟腑宜先助胃壯氣以固其本夫然則氣血凝結
者自散膿毒已成者自潰肌肉欲死者自生肌肉
已死者自腐死肉已潰者自斂若獨攻其瘡脾胃
一虛七惡蜂起其不死者幸矣故凡前症須用托
裡消毒散爲主若高腫焮痛熱毒也加黃連漫腫
微痛氣虛也去金銀花連翹一味加參朮頭痛發
熱邪在表也本方加川芎羌活若外邪在表而元
氣實者暫用人參敗毒散頭痛惡寒表虛也去一

味加參芪發熱飲冷便秘內熱也去參芪歸朮加
大黃發熱飲熱便秘內虛也去一味加參芪歸朮
寒熱飲冷小便瀯滯肝熱也去參芪加柴胡山梔
不作膿膿不潰氣虛也去一味及白芷加參朮肉
桂如不應暫用十全大補湯腫赤作痛血凝滯也
本方加乳香沒藥如不應暫用仙方活命飲膿出
反痛氣血虛也去一味即銀花連翹白芷後放此
加參芪歸地肉赤而不斂血虛而有熱也去一味
加熟地牡丹皮肉黯而不斂陽氣虛寒也去一味

加參芪白斂官桂漫腫不痛或肉死不潰脾氣虛也去三味加人參白朮如不應加薑桂更不應急加附子肉白而不斂陽氣虛也去三味加參芪歸朮膿多而不斂氣血虛也去三味加參芪歸朮熟地如不應暫用十全大補湯飲食少思而不斂胃氣虛也去三味加參芪如不應暫用補中益氣湯飲食難化而不斂脾氣虛也去三味加參朮如不應暫用六君子湯又不應佐以八味丸膿多而帶赤血虛也去三味加歸地參朮如不應暫用八珍

湯加牡丹皮忿怒瞋熱而出血肝火血虛也去三味加牡丹皮熟地炒黑山梔如不應暫用八珍湯送六味丸面青脇脹而出血肝氣虛而不能藏血也去三味加山茱山藥五味子如不應兼六味丸食少體倦而出血脾氣虛而不能攝血也去三味加參芪歸地兼鬱結少寐更加遠志酸棗仁茯神龍眼肉如不應暫用歸脾湯欲嘔作嘔或外擦內服寒涼或痛甚或感寒邪穢氣而嘔胃氣虛也去三味加藿香參朮飲食少思腸鳴腹痛腹冷泄瀉

脾氣虛寒也去_二味加_一炮薑木香手足逆冷脾血
虛寒也更加_二附子煎送_一四神丸飲冷作渴熱毒也
加_二赤小豆知母如_一不應暫用_二竹葉黃芪湯善食作
渴胃火也加_二石膏山梔如_一不應暫用_二竹葉石膏湯
膿多而作渴氣血虛也去_二味加_一熟地黃五味子
如_一不應暫用_二十全大補湯加_一五味子麥門冬口乾
舌燥腎氣虛也去_二味加_一熟地山茱山藥如_一不應
兼_二六味丸又不應佐_一以補中益氣湯自汗內熱口
乾胃氣虛也去_二味加_一參芪歸朮如_一不應暫用_二六

君子湯盜汗内熱口乾陰血虛也去三味加熟地
麥門五味如不應暫用當歸六黃湯莖中痛而小
便不利精内敗也去三味加山茱山藥澤瀉如不
應佐以三味丸愈便則愈痛愈痛則愈便精復竭
也去三味煎送六味丸食少體倦口乾飲熱小便
黃短脾肺虛熱也去三味加五味子山茱萸如不
應暫用三味丸勞役而小便黃元氣下陷也去三
味加升麻柴胡午後而小便黃短腎虛熱也去三
味加升麻柴胡如不應煎送六味丸口燥作渴小

便頻數腎水虧也去三味加五味山茱山藥熟地
如不應兼用六味丸回肢逆冷腎氣虛寒也去三
味加桂附如不應佐以八味丸食少體倦作渴胃
氣虛也去三味加參芪白朮如不應暫用補中益
氣湯體倦頭痛或眩暈中氣虛也去三味加柴胡
升麻如不應暫用補中益氣湯加蔓荊子日晡頭
痛或眩暈陰血虛也去三味加熟地黃如不應佐
以六味丸夢泄遺精頭暈頭痛或痰喘氣促腎虛
不能納氣也去三味并川芎佐以六味丸如不應

是虛寒也。用八味丸。面自赤色。煩熱。作渴。脈大而
虛。血脫發燥也。去二味。加黃芪當歸。如不應。暫用
當歸補血湯。身熱惡衣。欲投於水。脈沉微細。氣脫
發燥也。去二味。加肉桂附子。如不應。暫用附子理
中湯。善思。體痛。無寐。盜汗。脾血虛也。去二味。加茯
苓。遠志。酸棗仁。圓眼肉。如不應。暫用歸脾湯。寢寐
而汗出。腎氣虛也。去二味。加五味子。煎送六味丸。
飲食而出汗。胃氣虛也。去二味。加參芪歸朮五味
子。如不應。暫用六君子湯。睡覺飽而出盜汗。宿食

也去_二三味加_一參木半夏如_レ不_レ應暫用_二六君子湯胸
滿多痰脾氣虛也去_二三味加_一桔梗半夏如_レ不_レ應暫
用_二六君子湯加_一桔梗枳殼脯熱多痰脾血虛也去_二
三味加_一歸地參朮如_レ不_レ應暫用_二六君子湯加_一芎歸
熟地咳嗽唾痰腎虧津液泛上也去_二三味加_一山茱
山藥熟地如_レ不_レ應佐以_二六味丸忿怒胸痞肝氣滯
也加_二三味加_一桔梗山梔如_レ不_レ應暫用_二補中益氣湯
加_一桔梗枳殼倦怠胸痞中氣虛也去_二三味加_一參朮
茯苓如_レ不_レ應暫用_二八珍湯加_一柴胡口苦寒熱往來

肝火血虛也去_二味_一加柴胡熟地因怒寒熱往來
肝火血虛也加_一柴胡黃芩_二如不應_三暫用_四八珍湯_五加
炒山梔炒酸棗仁酒炒黑膽草體倦寒熱往來肝
脾氣滯也去_二味_一加_二參芪歸朮_一如不應_三暫用_四補中
益氣湯_五內熱晡熱或寒熱往來陰血虛也去_二味_一
加_二芎歸牡丹皮柴胡_一如不應_三暫用_四八珍湯_五加_二牡丹
皮畏寒或寒熱往來胃氣虛也去_二味_一加_二參苓白
朮升麻_一如不應_三暫用_四補中益氣湯_五脇痛痞滿或寒
熱往來肝氣滯也去_二味_一加_二青皮木香_一如不應_三屬

氣血虛也。更加芎歸參朮。若婦人勞役恚怒。或適
經行發熱。譫語。或夜間熱甚。在血分也。去三味。加
生地丹皮柴胡。如不應。暫用加味四物湯。若誤尅
伐。或膿血大泄。或因吐瀉。或誤而入房。或勞損元
氣。或夢泄遺精。或外邪乘入。以致發熱頭痛。小便
淋瀝。或滑數便血。目赤煩喘。氣短頭暈。體倦熱消
意欲投水。身熱惡衣。揚手擲足。腰背反張。鄭聲自
汗。此陽氣脫陷之假熱症也。若畏寒頭痛。咳逆嘔
吐耳曠。目眩。小便自遺。瀉利腸鳴。裡急腹痛。玉莖

短縮齒浮痛肢體麻痺或厥冷身痛或咳或舌嚙唇
此陽氣脫陷之真寒症也凡此危候勿論其脈勿
問其症但見有其一二亦去一二味急加桂附補之
庶有復生之理大抵用藥之法當分元氣虛實標
本緩急若病急而元氣實者先治其標病緩而元
氣虛者先治其本若病急而元氣又虛者當治其
本爲主而兼以治標東垣先生云形氣有餘病氣
有餘當瀉不當補形氣不足病氣不足當補不當
瀉丹溪先生云但見腫痛參之脈症虛弱便與滋

補氣血無虧可保終吉治者審焉

外科樞要卷之三終

外科樞要卷之四

古吳薛 已著

後學周 南校

治瘡瘍各症附方

托裏消毒散 治胃氣虛弱或因尅伐不能潰散
服之未成即消已成即潰腐肉自去新肉自生
若瘡肉既潰而新肉不能收斂屬氣虛者四君
子湯爲主屬血虛者四物湯爲主氣血俱虛者
十全大補湯爲主並忌寒涼消毒之劑

人參

黃芪

鹽水拌炒

當歸

酒拌

川芎

芍藥炒

白朮

炒

茯苓

各一錢

金銀花

白芷

各七分

甘草

炙五分

連翹

五分

右水煎服

托裏散

治瘡瘍因氣血虛不能起發腐潰收斂

及惡寒發熱者宜用此補托其屬六淫七情或

諸經錯雜之邪而為患者當各審其因而參以

主治之劑其屬胃氣虛弱者當以六君子湯為

主

人參 氣虛者多用之

黃芪 炒各二錢

白朮 炒

陳皮

當歸

熟地黃

茯苓

芍藥

酒炒各一錢半

右水煎服

清熱消毒散

治一切癰疽陽症腫痛發熱作渴

黃連 炒

山梔 炒

連翹

當歸 各一錢

川芎

芍藥 炒

生地黃

各一錢五分

金銀花

二錢 甘草 一錢

右水煎服

黃連消毒散

治腦疽背疽腫焮疼痛或麻木

黃連製

羌活各一分

黃芩

黃柏各五分

生地黃

知母製

獨活

防風

當歸尾

連翹各四分

藁本

防已

桔梗各二分

黃芪

蘇木

陳皮

澤瀉各二分

人參

甘草各三分

右水煎服

清涼飲

治瘡瘍煩躁飲冷熈痛脉實大便秘結

小便赤澀

大黃炒

赤芍藥

當歸

甘草各二錢

右水煎服

破棺丹 治瘡瘍熱極汗多太渴便秘譫語發狂

大黃

二兩五錢
半生半熟

芒硝

甘草

各二兩

右為末煉蜜丸如彈子大每服一丸童便酒化

下白湯亦可

黃連解毒湯 治瘡瘍焮痛煩躁飲冷脉洪數或

發狂言

黃芩

黃柏

黃連

山梔

各一錢五分

右水煎熱服

內疎黃連湯 治瘡瘍發熱而嘔太便秘結脉洪而實此方

黃連 芍藥 當歸 枳榔

木香 黃芩 梔子 薄荷

桔梗 甘草 連翹 大黃各一錢五分

每薑水煎仍量虛實治之

托裡榮衛湯 治瘡瘍外無焮腫肉便調和乃邪

在經絡宜用此藥

黃芪 紅花各一錢 桂枝七分 蒼朮米泔浸炒

柴胡

連翹

羌活

防風

當歸身

酒拌

甘草

黃芩

人參

各一錢

右酒水煎服

內托復煎散

治瘡瘍腫焮在外其脉多浮邪氣

勝必侵於內宜用此托之

地骨皮

黃芩

茯苓

白芍藥

人參

黃芪

鹽水拌炒

白朮

炒

桂

甘草

炙

防已

酒炒

當歸

酒拌各一錢

防風

二錢

右先以蒼朮一升水五升煎去朮入藥再煎至

二十升終日飲之

人參敗毒散

治瘡瘍焮痛寒熱或拘急頭痛脉

細有力

人參

羌活

獨活

前胡

柴胡

桔梗

枳殼

茯苓

川芎

甘草

各一錢

右水煎服

仙方活命飲

治一切瘡瘍未成膿者肉消已成

膿者即潰又止痛消毒之聖藥也

白芷

防風

沒藥

川山甲

蛤粉炒黃

甘草

赤芍藥

當歸尾

乳香

天花粉

貝母各一錢

金銀花

陳皮各三錢

皂角刺一錢

右酒一碗煎數沸服

清心湯

治瘡瘍腫痛發熱飲冷脉沉實睡語不

寧寧即防風通聖散每料加黃連五錢每劑一二兩

水煎服

奪命丹

治疔瘡發背等症或麻木或嘔吐重者

昏憤若疔毒牙關緊急用二五丸為末水調灌
下有奪命之功

蟾酥 乾者 輕粉 各五分 枯礬 寒水石 煨

銅綠 乳香 沒藥 麝香 各一錢

硃砂 三錢 蝸牛 二十箇另研無亦効

右為末用蝸牛或酒糊丸菘豆大每服一二十丸
溫酒葱湯下

東垣聖愈湯 治脾胃虧損膿水不止或金瘡出血
心中煩不安眠睡不寧五心煩熱飲食少思

地黃

酒拌蒸
半日

生地黃

酒拌

川芎

人參

各五分

當歸

酒拌

黃芪

塩水浸炒
各一錢

右水煎服

濟陰湯

治瘡屬純陽腫痛發熱

連翹

山梔

炒

黃芩

炒

黃連

炒各
二錢

芍藥

一錢
五分

金銀花

三錢

甘草

一錢

牡丹皮

一錢
二分

右水煎服太便秘量加太黃

抑陽散

治瘡屬純陽腫痛發熱

天花粉

三兩

姜黃

白芷

赤芍藥

各一兩

右爲末茶湯調搽患處

冲和湯

治瘡屬半陰半陽似潰非潰似腫非腫

此因元氣虛弱失於補托所致

人參

二錢

黃芪

白朮

當歸

白芷

各一錢半

茯苓

川芎

皂角刺炒

乳香

沒藥 各一錢

金銀花

陳皮 二錢

甘草節

一錢

右水酒各半煎服

陰陽散

治瘡屬半陰半陽

紫荆皮

炒五兩

獨活

去節炒一兩

赤芍藥

炒二兩

白芷

二兩

石菖蒲

二兩

右為末葱酒調搽

回陽湯

治脾腎虛寒瘡屬純陰或藥損元氣不

腫痛不腐潰或腹痛泄瀉嘔吐厥逆或陽氣脫

陷等症

乾姜

炮

附子

炮各二錢

人參

白朮

黃芪

各三錢

當歸

陳皮

甘草

炙各二錢

柴胡

升麻

各五分

右酒水煎服不應姜附倍之

抑陰散 治瘡瘍元氣虛寒焮腫不消或不潰斂

或筋攣骨痛一切冷症

草烏 二兩 白桂 五錢 赤芍藥 炒 南星 煨

白芷 各一兩

右為末葱湯調塗熱酒亦可

托裡溫中湯 治瘡瘍膿潰元氣虛寒或因尅伐

胃氣脫陷腸鳴腹痛大便溏泄神思昏憤此寒

變內陷緩則不治

羌活 四錢

附子 炮去皮臍

乾姜 炒三錢

益智

丁香

沉香

木香

茴香

陳皮 各一錢

甘草 炙二錢

右姜水煎服

附子理中湯 治瘡瘍脾胃虛寒或誤行攻伐手足厥冷飲食不入或腸鳴腹痛嘔逆吐瀉

附子

人參

茯苓

白芍藥

各三錢

白朮

四錢

右水煎服

姜附湯

治瘧瘍真陽虧損或誤行汗下或膿血

出多失於補托以致上氣喘急自汗盜汗氣短

頭暈

人參

一兩

乾姜

炮

白朮

各五錢

附子

炮去皮臍一兩

右作一劑水煎服

參附湯

治失血過多或膿瘀大泄或寒涼汗下

真陽脫陷上氣喘急自汗盜汗氣短頭暈等症

急服以救元氣緩則不治

人參

附子

炮去皮臍各五錢

右薑五味水煎服不應倍之

獨參湯 治一切失血或膿水出多血氣俱虛

寒發熱作渴煩躁益血生於氣故血脫補氣陽

生陰長之理也用人參二兩棗十枚薑十片水

煎徐徐服

人參理中湯 治瘡瘍脾胃虛寒嘔吐泄瀉飲食

少思肚腹作脹或胸膈虛痞飲食不入

白朮

人參

乾姜

甘草

各等分

右姜棗水煎服

竹葉黃芪湯 治癰疽氣血虛胃火盛而作渴

淡竹葉二錢 黃芪 麥門 當歸

川芎 甘草 黃芩炒 芍藥

人參 半夏 石膏煨各一錢 生地黃一錢

右每服二五錢水煎服

竹葉石膏湯 治癰疽胃火盛腫痛作渴

淡竹葉 石膏煨 桔梗 木通

薄荷 甘草各一錢 右姜水煎服

當歸川芎散 治手足少陽經血虛瘡症或風熱

耳内痒痛生瘡出水或頭目不清寒熱少食或
婦女經水不調胸膈不利脇腹痞痛

當歸

川芎

柴胡

白朮

芍藥

山梔

炒一錢二分

牡丹皮

茯苓

各八分

蔓荆子

甘草

各五分

右水煎服

若肝氣不平寒熱加地骨皮肝氣實加柴胡黃
芩氣血虛加參芪歸地脾虛飲食少思加苓朮
脾虛胸膈不利加參芪痰滯胸膈不利加朮半

肝氣不順胸膈不利或小腹痞滿或時攻痛加
青皮肝血不足胸膈不利或小腹痞滿或時作
痛加熟地肝血虛寒小腹時痛加肉桂日晡發
熱加歸地熱

梔子清肝散

一名各柴胡
梔子散

治三焦及足少陽經風熱

耳內作痒生瘡或出水疼痛或胸乳間作痛或
寒熱往來寒

柴胡

牡丹皮

梔子

炒各
一錢茯苓

川芎

芍藥

當歸

牛蒡子

炒各
七分

甘草 五分

右水煎服若太陽頭痛共加羌活分

柴胡清肝散 治髮沮及肝膽二焦風熱怒火之

症或項胸作痛或瘡生母發熱

柴胡 一錢五分

黃芩 炒一錢

人參 一錢

山梔 炒一錢五分

川芎 一錢

連翹 一錢

桔梗 八分

甘草 五分

右水煎服

小柴胡湯 治肝膽經症風熱瘰癧結核或腫痛

色赤或寒熱往來或日晡發熱或潮熱身熱默

默不欲飲食或怒火口苦耳聾咳嗽或吐酸食
苦水皆用此藥

柴胡 二錢
黃芩 一錢
人參
半夏 各七分

甘草 灸五分

右姜水煎服

補陰八珍湯 治瘰癧等瘡屬足二下陰虛者

當歸 川芎 熟地 芍藥

人參 白朮 茯苓 甘草

黃柏 酒炒
知母 酒炒 各七分

右木煎服

瀉青丸 治肝經實熱瘰癧腫痛寒熱或脇乳作

痛大便秘結

當歸

龍膽草酒炒 川芎

山梔

大黃炒

羌活

防風各等分

右為末蜜丸雞頭子大每服一二丸白湯化下

若血虛者四物加山梔柴胡或逍遙散若腎水

虧損不能生肝木而自病筋攣結核或肢節拳

攣或似中風宜用六味丸加五味子

散腫潰堅湯 治瘰癧堅硬氣血無虧宜用之

柴胡 四分

升麻 三分

連翹 三分

龍胆草 酒炒 五分

黃芩 酒炒 四分

甘草 炙 二分

桔梗 五分

昆布 五分

當歸尾 酒拌

白芍藥 炒

黃栢 酒炒

葛根 各三分

知母 酒炒 五分

三稜 酒拌 微炒

廣木 各三分

瓜蒌根 五分

右水煎服

益氣養榮湯 治懷抱抑鬱或氣血損傷四肢頸

項等處患腫不問軟硬赤白腫痛或潰而不斂

人參

茯苓

陳皮

貝母

香附

當歸酒拌

川芎

黃芪

鹽水拌炒

生地黃

酒拌

芍藥

炒各一錢

甘草

炙

桔梗

各五分

白朮

炒二錢

柴胡

六分

右薑水煎服

必效散

治瘰癧氣血雖無虧損內有癧核未去

而不能愈

南硼砂

二錢五分

輕粉

一錢

麝香

五分

巴豆

白棋榔

一箇

班貓

四十箇去頭翅同糯米炒

右同研極細末取鷄子一箇去黃用清調藥仍

入殼內以濕紙數重糊口入飯甑候熟取出曝
乾研末虛者每服五分實者一錢用炒生姜酒
五更初調服如覺小腹痛用益元散一服其毒
俱從大便出胎婦勿餌毒去後多服益氣養榮
湯瘡口自合

針頭散 治一切頑瘡內有筋骨癰核不化瘡口
不合宜用此藥腐

- 赤石脂 五錢
- 乳香 各三錢
- 白丁香 各三錢
- 砒 一錢
- 黃丹 一錢
- 輕粉 各五分
- 麝香 各五分
- 蜈蚣 一條

右爲末，搽瘡肉上，其肉自腐。若瘡口小，或痔瘡，用糊和作條子，陰乾，紐之。凡瘡久不谷者，內有膿管，須用此腐之內服，托裡之劑。

神仙隔蒜灸法 治一切癰疽腫毒，前論言之詳矣。凡大痛或不痛，或麻木痛者，灸至小痛不痛，灸至痛其毒隨火而散。此拔引鬱毒從治之法也。信有回生之功。其法用大蒜頭切二分厚，安瘡頭上，用艾炷於蒜上灸之，五炷換蒜，再灸未成，卽消已成，殺其大勢。瘡患大以蒜杵爛攤患。

夕和相要
處將艾鋪蒜上灸之蒜敗再換瘡色紫或白而不起發不作膿不大痛不問日期最宜多灸

神效葱熨法

治流注結核骨癱鶴膝等症腫硬

或先已隔蒜灸而餘腫未消最宜用熨以助氣血而行壅滯其功甚大又為跌撲傷損止痛散血消腫之良法用葱白頭搗爛炒熱頻熨患處冷再換

神效桑枝灸

治發背不起或瘀肉不潰此陽氣

虛弱用桑枝燃火着吹熄燭用火灸患處片時

日三五次以助腫潰若腐肉已去新肉生遲宜
灸四畔其陰瘡癰癰流注腫瘡惡瘡久不愈者
亦宜用之太抵此法未潰則解熱毒止痛消
瘀腫已潰則補陽氣散餘毒生肌肉其陽症腫
痛甚或重如負石初起用此法出毒水即肉消
其日久者用之雖潰亦淺且無苦楚惜患者不
知有此治者亦不肯用此也

烏金膏 治發背中央肉死塗之即腐未死塗之
即生若初起腫痛用點數處其毒頓消若肉腐

塗之卽潰若惡瘡頑瘡元氣無虧久不收斂者
內有毒根以紙撚蘸紙其內有等發背因元氣
虛弱或因尅伐元氣胃氣虧損毒氣散漫中黯
外赤不腐不潰服大補之劑中塗三四寸許至
五六月間赤黯之界自有裂紋如刀劃之狀中
央漸潰漸脫須用純陽之藥以接其元氣庶能
收斂若妄用刀針去肉出血陽隨陰散元氣愈
傷或塗涼藥則毒氣不解氣血愈虛非徒無益
而又害之其方用巴豆一味去殼炒黑研如膏

點于患處臨用合之已上二法雖不出于方書
余推其意而製用之良有奇驗

砭法 治丹毒疔瘡紅絲走散或時毒瘀血壅盛
用細磁器擊碎取有鋒芒者一塊以筋一根劈
開頭尖夾之之用線縛定兩手指輕撮筋梢令磁
芒正對患處懸寸許再用筋一根頻擊筋頭令
毒血遇刺皆出毒入腹膨脹者難治

豆豉餅 治瘡瘍腫痛硬而不潰及潰而不斂并
一切頑瘡惡瘡用江西豆豉餅爲末唾津和作

餅子如錢大厚如二分置患處以艾壯於餅上灸之乾則易之如背瘡用漱口水調作餅覆患處以艾鋪餅上灸之如未成者即消已成者亦殺其大毒如有不効氣血虛敗也

乳香定痛散

治一切瘡瘍潰爛疼痛

乳香

沒藥 各五錢

滑石 一兩

寒水石 一兩

一兩

冰片

一錢

右爲細末搽患處痛即止甚効

青龍湯

治肺受風寒咳嗽喘急

半夏

湯泡七次
二兩五錢

乾薑

炮

細辛

麻黃

去節

肉桂

芍藥

甘草

炙各
三兩

五味

二兩
拌炒

右每服五錢姜水煎服

葶藶大棗瀉肺湯

治肺症胸膈脹滿上氣喘急

或身面浮腫鼻塞聲重用甜葶藶炒黃色研末

每服二錢棗十枚水一鍾煎一鍾去棗入藥再

煎七分食後服

桔梗湯

治肺症咳嗽胸膈兩脇作痛咽乾口燥

煩悶作渴時出臭濁

桔梗炒

貝母去心

當歸酒浸

瓜蒌仁

枳殼炒

薏苡仁微炒

桑白皮炒

甘草節各一錢

防已去皮一錢

黃芪鹽水拌炒

五味子搗炒

百合蒸各一錢五分

葶藶炒

地骨皮

知母炒

杏仁各五分

右姜水煎服

人參補肺湯

治肺症咳喘短氣或腎水不足虛

火上炎痰涎湧盛或吐膿血發熱作渴小便短

澀

人參

黃芪

白朮

茯苓

陳皮

當歸

山茱萸

山藥

五味子

麥門冬

甘草

熟地

牡丹皮

右姜棗水煎服

人參平肺散 治心火尅肺傳為疽痿咳嗽喘嘔

痰涎壅盛胸膈痞滿咽嗑不利若因肝木太過

而致當補肺若因腎水不足而患當補脾肺若

因心火旺而自病當利小便

人參

陳皮

甘草

地骨皮

茯苓 各一錢

知母 炒七分

青皮 四分

五味子 并炒四分

天門冬 去心各四分

桑白皮 炒一錢

右水煎服

參芪補脾湯

治肺疽脾氣虧損久咳吐膿涎或

中滿不食必服此藥補脾土以生肺金否則不

治

人參

白朮

各二錢

黃芪

二錢五分

茯苓

陳皮

當歸

各一錢

升麻

三分

麥門冬

七分

五味子

四分

桔梗

六分

甘草

炙五分

右姜棗水煎服

射干湯

治胃癰吐膿血

射干

去毛

山梔仁

赤茯苓

升麻

各一錢

白朮

五分

赤芍藥

一錢五分

右水煎服

薏苡仁湯

治風熱唇口瞶動或結核或浮腫

薏苡仁

炒

防己

赤小豆

甘草

炙各等分

右水煎服

瓜子仁湯 治產後惡露或經行瘀血作痛或作癰患

薏苡仁 四錢 桃仁 去皮 牡丹皮 瓜蒌仁 各一錢

右水煎服

梅仁湯 治腸癰壅痛大便秘澀

梅仁 九箇去皮尖 大黃 炒 牡丹皮 芒硝 各一錢

犀角 鎊末 冬瓜仁 研三錢 右水煎入犀末服

大黃湯 治腸癰小腹堅腫按之則痛肉色如故

或_レ炊赤微腫小便頻數汗出憎寒脉遲緊_レ膿未_レ成_ラ急服_ス之_ヲ

大黃 炒

朴硝 各一錢

牡丹皮

瓜蒌仁 炒

桃仁 去皮尖 各二錢

右水煎服

牡丹皮散 治腸癰腹濡而痛時下膿

牡丹皮

人參

天麻

白茯苓

黃芪 炒

薏苡仁

桃仁 去皮尖

白芷

當歸 酒拌

川芎 各一錢

官桂

甘草 炙五分

木香

三分

右水煎服

失笑散

治跌撲產後心腹絞痛或不知人事或

經行瘀血作痛成癰

靈脂

蒲黃

俱炒等分

右每服一十二錢酒水煎熱服

防風湯

治破傷風表症未傳入裡急服此

防風

羌活

獨活

川芎

各等分

右每服五錢水煎調蜈蚣散服

蜈蚣散

蜈蚣 一對 鱧 三錢

羌活湯 治破傷風在少表半裡間宜和解急服

此湯稍緩則邪入於裡不可用矣

羌活 菊花 麻黃 川芎

石膏 防風 前胡 黃芩

細辛 甘草 枳殼 白茯苓 各一兩

蔓荆子 薄芎 白芷 各五錢

右每服五錢姜水煎日一十二服

大芎黃湯

治破傷風邪傳於裡舌強口噤項背

反張筋惕搐搦痰涎壅盛宜急服之

川芎

羌活

黃芩

大黃

各一兩

右每服五七錢水煎服

白朮防風湯

治破傷風服表藥過多而自汗者

白朮

黃芪

各一兩

防風

二兩

右每服五七錢水煎服臟腑和而自汗者可服

此藥若臟腑秘小便赤而自汗者急服大芎黃

湯下之

六味丸

一名五八味
地黄丸

此壯水之劑夫人之生以腎為

主凡病皆由腎虛而致此方乃天一一生水之劑

無有不可用者世所罕知若腎虛發熱作渴小便

便淋秘痰氣壅盛咳嗽吐血頭目眩暈小便短

少眼花耳聾咽喉燥痛口舌瘡裂齒不堅固腰

腿痿軟五臟齊損肝經不足之症尤當用之水

能生木故也若腎虛發熱自汗盜汗便血諸血

失瘡水泛為痰之聖藥血虛發熱之神劑也

熟地黄

用生者自製八兩

山茱萸

肉

山藥

各四兩

茯苓

牡丹皮

澤瀉

各二兩

右地黃^ヲ杵^キ膏^モ餘^ヲ爲^シ末^ト蜜^ニ丸^シ桐子^大每服七八十丸滾湯下^ス

八味丸 治命門火衰不能生土以致脾土虛寒

而患流注鶴膝等症不能消潰收斂或飲食少

思或食而不化臍腹疼痛夜多漩溺即前方加

肉桂附子各一兩經云益火之源以消陰翳即

此方也

加減八味丸 治症同上即六味地黃丸加肉桂

五味子各一兩

八珍湯 治脾胃傷損惡寒發熱煩躁作渴或瘡
瘍潰後氣血虧損膿水清稀久不能愈即四君

四物合方

十全大補湯 治瘡瘍氣血虛弱腫痛不愈或潰
瘍膿清寒熱自汗盜汗食少體倦發熱作渴頭
痛眩暈似中風狀即八珍湯加黃芪肉桂

補中益氣湯 治元氣虛損或因尅伐惡寒發熱
肢體倦怠飲食少思或不能起發消散生肌收

飲或兼飲食勞倦頭暈身熱煩躁作渴脉洪大
弦虛或微細軟弱

黃芪

人參

白朮

甘草

各各一錢五分

當歸

一錢

陳皮

五分

升麻

柴胡

各三分

右姜棗水煎空心午前服

生脉散

治胃氣虧損陰火上衝口乾喘促或肢

體倦怠肌肉消瘦面色痿黃汲汲短氣汗出不

止食少作渴或膿水出多氣血俱虛煩躁不安

睡卧不寧或濕熱大行火上合病脾胃虛弱身

重氣短或全為火制絕寒水生化之源肢體痿軟脚欬眼黑等症

人參 五錢 麥門冬 二錢 五味子 一錢

右水煎服如不應倍之

人參養榮湯 治脾胃虧損氣血俱虛發熱惡寒

四肢倦怠肌肉消瘦面色痿黃汲汲短氣食少

作渴凡大病後最宜用此

人參 一錢 陳皮 一錢 黃芪 蜜炙 白芍藥 一錢

桂心 當歸 白朮 甘草 各錢

熟地黃

五味子

炒

茯苓

各七

遠志

五

右姜棗水煎服

四君子湯

治脾胃虛弱或因尅伐腫痛不散

飲不能宜用此以補脾胃諸症自愈若誤用攻

毒七惡隨至脾胃虛弱飲食少思或食而難化

或欲作嘔或大便不實若脾胃氣虛瘡口出血

吐血便血尤宜用之蓋氣能攝血故也凡氣血

俱虛之症宜于前湯但加當歸脾胃既旺飲食

自進陰血自生若用四物湯丸陰之劑脾胃復

傷諸症蜂起若命門火衰而脾土虛寒必用
味丸以補土母

人參

白朮

茯苓

各二錢

甘草

錢一

右姜棗水煎服

六君子湯

治脾胃虛弱或寒涼尅伐腫痛不消

或不潰斂宜服此湯以壯營氣諸症自愈即前

方加陳皮半夏

異功散

治脾胃虛弱飲食少思即四君子湯加

陳皮

四物湯

治血虛發熱或因失血或因尅伐或因

潰後致肺熱內熱煩躁不安皆宜服之經云血

生於脾若脾虛不能生血者宜用四君子加當

歸酒炒白朮以補脾

當歸 三錢

熟地黄 三錢

芍藥 二錢

川芎 一錢

五分

右水煎服

歸脾湯

治憂思傷脾血虛發熱食少體倦或脾

不能攝血以致妄行吐下或健忘怔忡驚悸少

寐或心脾作痛自汗盜汗或肢體腫痛大便不

調或婦人經候不準世 嘔熱內熱或唇瘡流注等
症不能消散潰飲分

白朮 白茯苓 黃芪炒 當歸

龍眼肉 遠志 酸棗仁炒 人參各一錢

木香五分 甘草炙二分

右薑棗水煎服分

當歸補血湯 治脾胃損傷或服峻劑致血氣俱

虛肌熱大渴引飲目赤面紅晝夜不息其脉洪

大而虛重按全無此病多得於飢飽勞役者若

誤服テ白虎湯ヲ必死ス

當歸三錢

黃芪灸一兩

右水煎服ス

六一湯

黃芪灸六錢
甘草灸一錢

右水煎服ス

加味逍遙散

治ス肝脾血虛內熱發熱或遍身搔

痒寒熱或肢體作痛頭目昏重或怔忡頰赤口

燥咽乾或發熱盜汗食少不寐或口舌生瘡耳

内作痛或胸乳腹脹小便不利

甘草 炙

當歸

芍藥 酒炒

柴胡

茯苓

白朮

炒各一錢

牡丹皮

山梔

炒各七分

右水煎服

黃芩清肺飲

治腎經陰虛火燥而小便不通若

因脾經有熱當清其脾若因心火尅肺當制其

心

黃芩 一錢

梔子

三箇打碎

右水煎服

滋腎丸

治腎經陰虛發熱作渴便赤足熱腿軟

等症凡不渴而小便秘熱在下焦血分也最宜
此藥經云無陰則陽無以化若脾肺燥熱所遺
當滋其化源

知母

黃柏

各酒炒
一兩

肉桂

二錢

右爲末水丸桐子大每服百丸空心白滾湯下

五苓散

治下部濕熱瘡毒小便赤少

澤瀉

猪苓

肉桂

白朮

赤茯苓

各等分

右爲細末，每服三錢，熱湯調下。

犀角地黄湯 治胃火血熱妄行吐衄或大便秘下

血者

犀角 鎊末

生地黄

赤芍藥

牡丹皮

各一錢半

升麻

黃芩

炒各一錢

右水煎熟入犀末服

若因怒而致加山梔柴胡若脾氣虛而不能稱
用歸脾湯若肝脾火動而妄行用加味道遙散
若脾氣虛而不能親用補中益氣湯加炮黑乾

薑若血虛有火而妄行用四物加炮薑若腎經
虛火而血妄行用六味丸料不應急加肉桂以
引虛火歸源

清胃散 治膏粱積熱唇口腫痛齒齦潰爛炊痛

連頭面或惡寒發熱

升麻 二錢 生地黃 牡丹皮 黃連

當歸 酒洗各一錢

右水煎服痛未止石膏之類可量加

潤腸丸 治脾胃伏火太腸乾燥或風熱血結宜

用此丸通之若結在直腸宜猪胆汁導之蓋
三五液開竅於一陰若津液滋潤大便通謂若
津液不足脾氣虧損必當培補猶已煎藥

麻子仁

桃仁

去皮尖
各一兩

羌活

歸尾

大黃

煨

阜角刺

秦艽

各五錢

右各另研爲末煉蜜或猪胆汁丸桐子大每服
三四十九丸白湯下若用猪胆汁導之而不結燥
急補元氣

四神丸 治脾腎虛弱大便不實飲食少思或小

腹作痛或產後泄瀉肚腹作痛不思飲食

肉豆蔻

二兩

五味子

二兩

補骨脂

四兩

吳茱萸

浸炒一兩

右爲末水二碗生姜八兩紅棗一百枚煮熟取

棗肉和末丸桐子大每服五七十丸空心食前

白湯下

二神丸 治脾腎虛寒不思飲食或侵晨五更泄

瀉或飲食少思大便不實其功甚効如不應乃

命門火衰急用八味丸補火而生壬

破故紙

炒四兩

肉豆蔻

二兩生用

右爲末ト用ニ大紅棗四十枚生薑四兩水煮熟去
姜取棗肉和藥丸桐子大每服五十丸空心塩
湯送下

越鞠丸 治六鬱牙齒作痛口舌生瘡或胸膈痞
滿嘔吐吞酸或腹脹腿酸等症

蒼朮炒

神麴炒

香附

山查

山梔炒

撫芎

麥芽炒各

右爲末ト水調麴葉麴糊丸桐子大每服七十丸

白湯下

二陳湯 治脾虛中脘停痰嘔吐惡心或頭目不清飲食少思等症

陳皮

半夏

茯苓

各一錢

甘草

炙五分

右姜木煎

錢氏白朮散 治胃氣虛或因尅伐或因吐瀉口

乾作渴飲食少思

藿香

白朮 炒

木香

白茯苓

甘草 炒

人參 各一錢

乾薑 二錢

右水煎服

生地黃丸

治師尼寡婦室女乍寒乍熱而患瘡

瘍等症肝脉弦長而出魚際

生地黃

一兩酒拌杵膏

秦艽

黃芩

硬柴胡

各五錢

赤芍藥

一兩

石為末入地黃膏加煉蜜少許丸桐子大每服

二十九烏梅煎湯下日進一服

加味地黃丸

治肝腎陰虛瘡症或耳內痒痛出

水或眼昏痰氣喘嗽或作渴發熱小便赤澀等

症

乾山藥 山茱萸 牡丹皮 澤瀉

白茯苓 熟地黃 柴胡 五味 各另為末等分

右將一地黃搗碎酒拌濕杵膏入前未和勻加

煉蜜為丸桐子大每服百丸空心白湯送下不

應用加減八味丸一

琥珀膏 治頸項瘰癧及脇下初如梅子腫結硬

強漸如連珠不消不潰或潰而膿水不絕經久

不瘥漸成漏症一

琥珀一 木通 桂心 當歸

白芷

防風

松脂

硃砂

研各五錢

麻油二斤

丁香

木香

各三錢

木鱉子

肉五錢

右先用琥珀丁香桂心硃砂木香為末其餘藥入油內煎黑濾去粗徐徐入黃丹再煎軟硬得中即成膏矣

人參黃芪湯

治潰瘍飲食少思無睡發熱

人參

麥門冬

陳皮

白朮

蒼朮

各五分

黃芪

一錢

黃柏

炒四分

升麻

歸身

各五分

右水煎服

托裏當歸湯

治潰瘍氣血俱虛瘡口不斂或晡

熱內熱寒熱往來或婦人諸症經候不調小便頻數大便不實等症

當歸

黃芪

人參

熟地黃

川芎

芍藥

各一錢

柴胡

甘草

各五分

右水煎服

人參內托散

治瘡瘍潰膿而作痛者

人參

黃芪

當歸

川芎

厚朴 防風 桔梗 白芷

官桂 紫草 木香 甘草

右入糯米一撮水煎服

藿香正氣散 治外感風寒內停飲食頭疼寒熱

或霍亂泄瀉或作瘧疾等症

桔梗 大腹皮 紫蘇 茯苓

白芷 半夏 陳皮 白朮

厚朴 各一錢 炙甘草 五分 藿香 一錢 五分

右姜棗水煎服

升陽除濕湯

治脾胃虛弱不思飲食腸鳴腹痛

泄瀉無度小便赤黃四肢困倦

甘草

麥芽

陳皮

猪苓

各三分

澤瀉

益智仁

半夏

防風

神麴

升麻

柴胡

羌活

各五分

蒼朮

錢一

白朮

錢二

茯苓

七分

右姜棗水煎服

十宣散

治瘡瘍脉緩瀉體倦惡寒或脉浮緊細

用之以散風助陽氣也

人參

當歸

黃芪

桔梗

炙草

白芷

川芎

各一錢

厚朴

防風

肉桂

各五分

右水煎服

參朮膏

治中氣虛弱諸藥不應或因用藥失宜

耗傷元氣虛症蜂起但用此藥補其中氣諸症

自愈

人參

白朮

各等分

右水煎稠湯化服之

清燥湯

治元氣虛弱濕熱乘之肢體痠軟或頭

目眩暈飲食少思口乾作渴或自汗盜汗胸滿
氣促小便赤少大便不調等症

黃芪

一錢五分

五味子

九粒

黃連

二分

蒼朮

白朮

麥門冬

生地黃

陳皮

澤瀉

各五分

茯苓

人參

去蘆

當歸

酒洗

升麻

各三分

神麴

炒

猪苓

柴胡

炙草

各二分

黃栢

酒洗一分

右水煎服

補真丸

治真陰虧損諸症

葫蘆巴炒

附子

陽起石煨

肉苁蓉

酒浸焙乾

五味子

肉苳蔻

川烏

鬼絲子

洗淨酒浸

沉香

鹿茸

酒浸炒

巴戟天

去心

鍾乳粉

各一兩半

右爲末用羊腰子兩對治如食法酒煮搗爛入

酒糊丸如梧桐子大每服七十九空心米飲塩

湯任下

托裏健中湯

治瘡瘍元氣素虛或因涼藥傷胃

飲食少思或作嘔瀉等症

人參

白朮

茯苓

半夏

炮姜

各一錢

炙草

五分

黃芪

一錢五分

肉桂

三分

右姜棗水煎服

托裏益中湯

治中氣虛弱飲食少思或瘡不消

散或潰而不斂

人參

白朮

陳皮

半夏

茯苓

炮姜

各一錢

木香

炙草

各五分

右薑棗水煎服

托裏益青湯

治脾土虛弱肝木所侮以致飲食

少思或胸膈不利等症

人參

白朮

茯苓

半夏

各一錢

芍藥

柴胡各五分

陳皮

一錢

甘草

五分

右薑棗水煎服

托裏益黃湯

治脾土虛寒水反侮土以致飲食

少思或嘔吐泄瀉等症

人參

白朮

陳皮

茯苓

半夏

各一錢

炮薑

丁香

灸草

各五分

右薑棗水煎服

托裏越鞠湯 治レ鬱レ所傷脾胃虛弱飲食少思キ

等症ラ

人參

白朮各二錢 陳皮

半夏各一錢

山梔

川芎 香附

蒼朮各七分

炙草五分

右薑棗水煎服

乳香止痛散 治レ瘡腫痛不止ラ

粟殼三錢

白芷一錢五分 炙草

陳皮各一錢

乳香五分

沒藥五分 丁香三分

右作一劑水煎服

濟生犀角地黄湯 治鬱熱不解衄血便血等症

犀角

生地

白芍藥

牡丹皮

各等分

右每服五七錢水煎服加減全上亦治便血

痔瘡方

雄黃

五分 細研

五靈脂

夫石燒 過斷煙

五倍子

泡過各 一錢

白礬

半飛 半生

沒藥

右為細末研令極細用紙花十貼瘡口上

猪蹄湯

香白芷 黃芩 赤芍藥 生甘草

當歸 羌活 露蜂房 取有蜂

兒者

右先將猪蹄一隻用水數碗煮熟取清汁分作十數次每次用前藥一兩煎十數沸去滓無風處淋洗死肉惡隨洗而下極效

神効瓜萸散 治乳癰初起者自消膿成者自潰及一切癰疽或潰後餘毒亦宜用之

黃瓜萸 一枚 當歸 五錢 生甘草 五錢 乳香

沒藥 各一錢

右用水酒煎服

清肝解鬱湯

治肝經血虛風熱或肝經鬱火傷

血乳內結核或為腫潰不愈凡肝膽經血氣不

和之症皆宜用此藥

人參 一錢

柴胡 八分

白朮 一錢五分

牡丹皮 八分

茯苓 一錢

陳皮 八分

甘草 五分

當歸 一錢五分

貝母 一錢

川芎 八分

山梔 炒

芍藥 炒

熟地黃 各一錢

右水煎服

清肝益榮湯

治肝膽小腸經風熱血燥筋攣結

核或耳項胸乳脇肋作痛或作癢并一切肝

火之症ラ

山梔

當歸

木瓜

不犯鐵器 茯苓 各一錢

柴胡

川芎

芍藥

炒各七分 龍膽 八分

白朮 二錢

熟地

一錢五分 炙草 五分

右薑水煎服ス

益元散

滑石 六兩

甘草 一兩

右爲末ト每服ト一錢酒ト調下

袖効閉結散

治癩疾ト不問年歲極驗ト

沉香

木香

猪厭肉子

生於豚猪項下

橘紅

四兩

珍珠

四十九粒砂鍋內泥封口煨過絲一枚如棗大取四十九

右爲末ト每服ト一錢臨臥ト冷酒調ト徐徐ト嚥ト下ト輕

者ト二ト五服重者ト一料全愈ト修合用除ト且効忌鹹

酸油膩渣ト氣等物ト

海藻散堅丸

治肝經癩癧ト

海藻

昆布

各二兩

龍膽草

二兩

小麥

四兩醋煑炒乾

右爲末煉蜜丸桐子大每服一二十丸臨卧白湯送下并食化嚙之

普濟消毒飲 治天行時毒頭面腫痛或咽喉不利

利若饑饉之後患之最宜用仍當固胃氣

黃芩 連翹 人參 陳皮

玄參 甘草 柴胡 桔梗 各一錢

牛蒡子 馬勃 板藍草根 各七錢

白殭蠶 升麻 各五分

右水煎服大便秘量加大黃

通氣散

治時毒癰其取嚏以泄其毒

玄參

一分

猪牙皂角

川芎

各一錢

藜蘆

五分

羊躑躅花

二分

右為末用紙捲蘸少許入鼻內取嚏為度

防風通聖散

治時毒熱毒便秘熱燥若時毒饑

饑之後胃氣虧損者須當審察非太滿太實不

用

防風

當歸

川芎

芍藥

大黃

芒硝

連翹

薄荷

麻黃

桔梗

石膏

黃芩

各一兩

白朮

山梔

荆芥

各二錢五分

甘草

二兩

滑石

一兩

右水煎服或為末白湯調下仍量入虛實

葛根牛蒡湯 治時毒腫痛而便利調和者

葛根

管仲

甘草

又名國老

豆豉

牛蒡子

牛生半炒各二錢

右水煎服

犀角升麻湯

治時毒或風熱頭面腫痛或咽喉

不利或風熱髮疽疔瘰等症

犀角

升麻

防風

羌活

各一錢

白芷

黃芩

各五分

白附子

五分

國老

各六分

右水煎服

白芷胃風湯

治手足陽明經氣虛風熱面目麻

木或牙關緊急眼目瞶動

白芷

二錢五分

升麻

二錢五分

葛根

蒼朮

米泔炒各八分

炙草

一錢五分

當歸

一錢五分

草薺

柴胡

黃栢

炒

藁本

羌活

各四分

蔓荆子

三分

白僵蠶 三分 麻黃 去節 七分

右水煎服

升麻黃連湯 治胃經熱毒腮腫作痛或發寒熱

升麻 川芎 當歸 各一錢半 連翹

黃連 牛蒡子 白芷 各一錢

右水煎服 煨連大陽加羌活連耳後加山梔柴

胡

梔子仁湯 治時毒瘰癧大便秘結

鬱金 枳殼 升麻 山梔 炒各一錢

右水煎服

雙解散 治痲癰內蘊熱毒外挾風邪或交感失宜精血交錯以致痲痛大小便秘結先用此藥通解更用調補之劑

辣桂

大黃

白芍藥

澤瀉

牽牛

并炒

灸草

桃仁

乾姜

右水煎服

製甘草法

治懸癰不拘腫潰

右每用大甘草一兩切五寸許用潤水一碗浸

透以慢火炙乾仍投前水浸透再炙至水乾爲度却控細用水二鍾煎入空心服

大蘆薈膏丸

一名九味蘆薈膏丸

治肝火下疳潰爛或作痛癩

腫或治小兒疳膨食積口鼻生瘡牙齦蝕爛等瘡并蝕肛門痒痛

胡黃連

蘆薈

黃連

木香

白蕪荑

青皮

白雷丸

鶴虱草

各一兩

麝香

一錢

右爲末蒸餅糊丸桐子大每服一錢空心米湯

下

八正散 治下疳便毒小便淋漓脉症俱實者

大黃 車前子 瞿麥 篇蓄

山梔 木通 滑石 甘草

右水煎服

內托羌活湯 治腎癰腫痛兩尺脉緊按之無力者

者

羌活 黃柏 防風 藁本

肉桂 連翹 炙草 蒼朮

陳皮

黃芪

各一錢五分

右水酒煎服

大防風湯

治足三陰經虧損外邪乘虛患鶴膝

風或附骨疽腫痛或腫而不痛不問已潰未潰

用三五劑後更用調補之劑

附子

牛膝

各一錢

白朮

羌活

人參

防風

川芎

一錢五分

辣桂

黃芪

白芍藥

杜仲

熟地

甘草

灸各五分

右水煎服

加味龍膽瀉肝湯 治肝經濕熱或囊癰便毒下疳懸癰腫焮作痛小便滯滯或婦人陰瘡痒痛或男子陰挺瘰癧或出膿水

龍膽草

澤瀉

各一錢

車前子

生地黃

木通

當歸尾

山梔

枯黃芩

炙甘草

各五分

右水煎服

清心蓮心飲

治膀胱氣虛濕熱下注腫痛或莖

竅瀉滯口苦咽乾小便色赤或白濁夜安靜而

晝發熱少

黃芩

麥門冬

地骨皮

車前子

炙甘草

各一錢五分

石蓮肉

白茯苓

黃芪

柴胡

人參各一錢

右水煎服

五淋散

治膀胱有熱水道不通或尿如豆汁或

如砂石或如膏汁或熱沸便血少

赤茯苓

一錢五分

赤芍藥

山梔

各一錢

當歸

甘草

各一錢五分

右用燈心二十根煎服

清肺飲 治渴而小便不利乃肺經有熱是絕寒

水生化之源宜用此藥以清化源其水自生而

便自利矣

茯苓 二錢

猪苓 三錢

澤瀉 五分

琥珀 五分

燈心 一分

木通 七分

通草 六分

車前子 一錢

藟麥 五分

篇蓋 七分

右為細末每服五錢水煎服

腎氣丸

治腎經陽虛陰無所化以致膀胱淋漓

或脾肺氣虛不能通調水無所化而膀胱癰閉

或腎氣虛熱干於厥陰之絡陰挺痿痺而溺頻

數或腎水虛弱陰虧難降使津液敗濁而為痰

水又治腎虛便血及諸見血發熱自汗盜汗等

症之聖藥也 六味丸方見前

還少丹

治足三陰經虛損患膝風等症又補脾

腎進飲食之良劑也

肉苁蓉

去甲酒浸

遠志

去心甘草湯泡去骨

茴香

炒

巴戟去心 枸杞子 山藥 牛膝

熟地黃為膏 石菖蒲 杜仲 五味子

白茯苓 楮實子 山茱萸各等分

右為末用紅棗肉同蜜為丸桐子大每服七十丸溫酒送下每自三服白湯送下

不換金正氣散 治脾氣虛弱寒邪相搏痰停胸

膈寒熱少食

厚朴 藿香 半夏 蒼朮

陳皮 甘草各等分

右姜棗水煎服

槐花散 治腸風濕毒下血

槐花

青皮

各一分

當歸

一錢

荆芥

熟地黃

白朮

各六分

川芎

四分

升麻

二錢

右水煎服

四生散 治膝腿瘡淫不愈或目昏花名腎臟風

并治風癩疥癩血風瘡症

白附子

真者
生用

黃芪

獨活

茯苓

各等分

右為末每服一錢用猪腰子一枚批開入藥濕

紙包裏煨熟空心連腰子細嚼塩湯送下

消風散

一名人參消風散

治風熱癩疥搔痒發熱或頭皮

腫痒頭目昏眩鼻流清水嚏噴聲重耳作蟬鳴

荆芥穗

炙草

人參

白殭蠶

白茯苓

防風

芎藭

藿香

蟬蛻

各二兩

陳皮

厚朴

姜製

羌活

各五分

右為末每服三錢茶清調下瘡癩温酒下

升麻和氣飲

治風癩瘡疥熱結大便不通

當歸

陳皮

各一錢半芍藥

枳殼

麩炒各八分

半夏

姜製

蒼朮

米泔浸炒

桔梗

炒黃

白芷

浸軟切片

乾葛

浸軟切片

白茯苓

炙草

各一錢

乾姜

炮黑

大黃

各五分

升麻

三分

右水煎服

換肌消毒散

治時瘡不拘初起潰爛

土茯苓

五錢

當歸

酒洗

白芷

阜角刺

各一錢

薏苡仁

一錢

白蘚皮

木瓜

不犯鐵器

木通

金銀花

各七分

炙草

五分

右水煎服

九味羌活湯 治風熱鬱遏瘡癩作痛或遍身作痛或拘急不利又治頭痛惡寒脊強脈浮緊又治非冬時天有暴寒入中之頭痛寒熱宜用此以代麻黃湯此神藥也

羌活 防風 蒼朮 各一錢半 川芎

白芷 生地 黃芩 各一錢半 細辛

甘草 各一錢

右水煎服衣覆之取微汗濕司夫加蒼朮天浮雨亦加如渴加石膏二錢知母一錢不渴不加

加味羌活散

即前湯加金銀花連翹

當歸飲子

治風濕所傷以致瘡疥等症

當歸

黃芪

芍藥

荆芥穗

防風

蒺藜

何首烏

生地黃

川芎

甘草

各等分

右水煎服

黑丸子

一名和血定痛散

治跌撲墮墮筋骨疼痛或瘀血

壅腫或外感風寒肢體作痛苦流注膝風初結服之自消若潰後氣虛而發熱與補劑兼服自

欵

白草霜 一兩
白芍藥 一兩
川烏 炮三錢
赤小豆 一兩五錢

白斂 一兩
白芨 各八錢
當歸 各八錢
南星 炮三錢

牛膝 焙六錢
補骨脂 焙八錢

右各另為末酒糊丸桐子大每服二十九鹽湯

溫酒任下孕婦不可服

太乙膏 治一切瘡瘍並宜貼之若元氣無虧用

隔蒜灸更服活命飲以收全功

玄參 白芷 當歸 肉桂

傳曰油工...
夏三日冬十日春
秋七日...
其立五煎...
其立五煎...

大黃

赤芍藥

生地黄

各一兩

右用麻油二斤入銅鍋內煎至黑濾去渣入黃
丹十五兩再煎水中捻軟硬得中即成膏矣

藜蘆膏

治一切瘡疽贅肉突出不問大小長短
用藜蘆一味為末以生豬脂和研如膏塗患處
周日易之

治便血括云四兩吳茱四兩連一同鍋炒不同

研糞煎紅用茱調酒糞後紅用酒調連元氣虧

損者當以補藥加之方効一味用熱湯拌濕頓

滾湯中半日藥氣相和炒焦各揀出聽用其妙
卽製茱萸黃連法也

黃礬丸 治金石發疽及一切瘡疽解毒止痛

明白礬 兩 黃蠟 五錢

右鎔蠟和礬末急和勻象手丸桐子大每服十
丸漸漸加一十九滾湯下如服金石發疽別用
白礬末一二兩作三五服溫酒調下有入遍身生
瘡狀如蛇頭服之卽愈此藥能解毒氣內攻須
多服有效治蛇毒咬鎔漏傷處痛止毒出仍服

兩許

當歸膏 治發背癰疽湯火等症去腐肉生新肉

其肉未壞者用之自愈肉已死而用之自潰新肉易生搽至肉色漸白其毒始盡生肌最速其外肉炊乾爬連好肉作痛用之即愈亦不結痂又免皴揭之痛殊有神效蓋黃蠟主生肌止痛補血續筋性味甘溫非偏勝毒藥故與新肉相宜此方余已刊行近之治者亦多用之

川當歸 兩 一
麻油 真正者 四兩
淮慶生地 兩 一

黃蠟

一兩如白蠟

止用五錢

右先用當歸地黃入油煎黑去渣入蠟鎔化候
溫攪勻卽成膏矣用塗患處將紙蓋之發背癰
疽湯火等症潰爛用之尤妙凡死肉潰爛已盡
好肉有些須尚連宜用利刀剪之蓋死肉有毒
去遲則傷新矣如洗拭換膏必須預備卽貼之
若死肉去盡尤宜速貼然新肉畏風尤甚不可
忽也

蠟痺消毒散

治時瘡

非助藥



薑黃

當歸 各錢

桂枝

赤芍藥 錢

獨活

白芷 分五

白朮

右水煎服

至

右肩尖肘尖一穴圖 卽肩髃肘膠

此穴治瘰癧之秘法蓋瘰癧屬肝膽一經故患
耳前後項腋之間男子多因恚怒虧損肝經之
血陰火內作或不慎起居耗損腎水不能生肝
血婦女多因恚怒傷肝火動血燥或鬱結傷脾
火動血耗或或亦屬於前經此症若
因恚怒傷肝
通經絡若用
其所屬而調

不愈者宜灸此穴疎
九氣虧損而不愈當推
其穴當灸之

肘兩肩四所

外科樞要卷之

方是其六

承應三年甲曆二月日

二条通松屋町

武村市兵衛

刊行